

## Miti Mande Makiko Nakayáṅaró Mu Mande Kembé

Sokome ṅako Yesuko **Mesaiya** tero maheró koro sowo mande ka. Komo suki uni kato sokome ṅa **Grik** mandewore nakayáṅaró, quko eneṅo owí kama nakayáṅaró. Komo **Anutu koro huru-huru** koro tapá unindo soso ṅande yaṅgurí, ko uni ka, owí Jon Mak, ṅundo nakayáṅaró. Tapá uni komo qu kato sokome kano ṅande nakayáṅaró, “Makiko Pita koro maṅgó rero mande soso yesowaró ṅu okeyá ta nakayáṅaró.” ṅundiro nanṅe nore sokome ṅaro yeteto, Miti Mande Mak Nakayáṅaró Mu, dokoro **Mesaiya** maheró koro piṅa mande ṅuko **miti mande** ṅundiro. Itaka iṅo-iṅo uni kumimbo ṅande yeyotenṅo, 50AD koya 60AD keweroko ṅuno nakayáṅaró, peka. (Asa “50AD” murí muko ṅandiro, Yesu pisiyaró, yate kumima naru 50 ṅunde rotaró. Nore kumima naru 2,000 ṅunde rotoro yate itaka yoteto.)

Uni gambu qundo ṅande ye iṅoyotenṅo, ko Makiko sokome ṅa **Rom** yendémo ṅuno nakayáṅaró. **Huru-huru** koro tapá uni komo qundo Pita **Rom** ṅuno uri khumaró ṅunde yaṅgurí. Asa ko **Rom** ṅuno Pita Yesu koro sowo mande soso yini Mak iṅoro nakayáṅaró. Enendo **uni wini meyowo** koro nakayáṅoro Juda muriye wisiyo yunaró. ṅuya Juda koro mandeye kumi nakayáṅoro ṅu mande ṅuro murí wisiyaró.

Ŋu naruko ŋuno Israel mirako ŋuno Juda unipareto eneŋo miraye kama sopoyanŋurí. Hamó, eneŋo uni kembéyembo sopo yereŋgurí, guko wiri yerete uni meyowombo uni kembé ŋu wiri yereyara. Wiri yerete uni parámi ŋuko **Rom** uni ka, ko eneŋo kuma unindo unipare soso miranemirane kondé yondowoyanŋurí.

Asa nimímbo Yesu pisiyoní parámi tero hurí tero kho tero **Anutuko unipareyó wiri yereweya naruyó** ŋuro yesowoyaró. Yate-yate Juda koro uni kembé-kembémbó Yesu koro mandí ŋuro piyimiŋoro sanŋirí tero rero **Rom** koro sopo-sopo unindoro kandímo ranŋurí. Ŋunde ri Yesu uroní khumaró. Khumoní Anutuko riní pitu ko otoŋaró. Ko enendo itaka samboko yote.

*Jonko Yesu koro roŋgaruwaró  
(Matyu 3:1-12; Luk 3:1-9,15-17; Jon 1:19-28)*

<sup>1</sup> Yesu Kristo,\* Anutu koro Nanuní, ŋuro miti mande ŋuko ŋandiro.

<sup>2</sup> Komo suki, Aisaia, ye-ye uni ŋundo,† mande ka ŋande nakayánaró,

“Injo, nondo uni ka mande yesowo yimitoyoweya qu asánjowe  
koretero uro keŋo khe qu roŋgaruwoweya.

---

\* **1:1:** “Yesu Kristo” - komo suki ye-ye unindo Anutuko uni ka rokóŋoní mahero wiri yerete uni psarámi horé tunogeweya qu karo yanŋurí. Juda unipareto uni maheweya ŋu, “Kristo,” ma, “Mesaiya,” ye nekanŋurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanŋe ye nekanŋurí. † **1:2:** “ye-ye uni” ŋuko Anutuko mandí yunoní unipare yunanŋurí.

3 Enendo mira wimbímo<sup>†</sup> neko yerero nande yimiroweya,  
 ‘Uni Parámimboro khe rongaruwoya,  
 eneñomboro ore roneneñoyi qembe.’”

4 Asa nñndiro Jon, sono re-re uni nñndo, mira wimbímo<sup>§</sup> mahero unipare sono re yunoro<sup>\*\*</sup> mande ka yesowo yimitoyara. Mande nñuko nñndiro, “Ye quhuriyemboro newonde surumí teya quhurí nñu se rotoya sono rika Anutuko quhuriye soso se rotoweya.”<sup>5</sup> Unipare qambu Judia mira konño qu ko Yerusalem yendé monño qu nñuno uyaro quhuriye tunomo yi Jotan Sono quroko sono re yunaró.<sup>6</sup> Jonko tuwi kamel huímbo toworo kowí punuwaró. Ko makao kowímbo utóño toworo weheño newondí kusi-yaró.<sup>††</sup> Muña katu koya siso mindiyómboya neyara.

<sup>7</sup> Unipare mira wimbímo uyari nñande yesowo yimitoyara, “Imemonño uni ka wimbíboko nene wimbune takate qundo nohowe maheweya. Nondo eneño khe punu-punuyómboro utó orosoyewero owé moré kini.<sup>††</sup> <sup>8</sup> Nondo kina

---

<sup>†</sup> **1:3:** “mira wimbí” nñunde guko te moré kini, ko uni kumimbo nñuno kama kunditeyotenggo. <sup>§</sup> **1:4:** “mira wimbí” nñuko

Judia mirako Yerusalem andusina nñuno yora. <sup>\*\*</sup> **1:4:** Grik mandewore “sono rewero murí” muko nñndiro, oka sono quroko

rero pito ko ri areweya. <sup>††</sup> **1:6:** Juda unipareto nñande ye inañgurí, ko koretero ye-ye uni komo qu ka, owí Elaija, pito ko mahero kho ka tiníkata Kristo nñuko maheweya (Malakai 4:5 weyo qembe).

Asa Jonko kowe punu-punuyó Elaija qembe punuwoyaró (2 Wiri yerete Uni 1:8 weyo qembe). <sup>††</sup> **1:7:** Jonko nñande inaró, ko uni huwómo maheweya nñu (Yesu), eneño owí nñuko Jon koro owí nñu hamó takaró.

sono re yunoteno. Quko enendo Yuqa Surumí sono qembe re yunoweya.”

*Jonko Yesu sono re inaró  
(Matyu 3:13-17; Luk 3:21-22)*

<sup>9</sup> Nju naruko njuno Yesu Galili mira koro yendé ka, owí Nasaret, rotoro uyaríní Jotan Sonono Jonko sono re inaró. <sup>10</sup> Re inoní sono nonjo arero koreko tonjetíní sambo kosañíní Yuqako<sup>\*\*\*</sup> nú tero sañanímó umburó. <sup>11</sup> Umbuní manjo ka sambo konjo njande yaró, “Keko nenejo nanone, kejo surumí injoyoteno. Kejo meté kereyoteno.”

<sup>12</sup> Njunde yiníqo, Yuqa njundo Yesu re mira wimbímó<sup>†††</sup> asáñaró. <sup>13</sup> Asáñoní naru 40 njunde rotoro mira njuno yoní Monimbuko towonjonyaró. Mira wimbímó njuno Yesu númbowe koro mirako yoní sambo simómbo<sup>†††</sup> samakanjonyanjurí.

*Yesuko injo-injo rewero uni neko yereró  
(Matyu 4:12-22; Luk 4:14–5:11)*

<sup>14</sup> Tukú uni kumimbo Jon<sup>§§§</sup> rero kusi-kusi yano ranjurí. Imemonjo Yesuko Galili mirako njuno uyaro Anutu koro miti mande yesowaró.

---

**§§ 1:9:** Grik mandewore “sono rewero murí” muko njandiro, oka sono quroko rero pito ko ri areweya. <sup>\*\*\*</sup> **1:10:** “Yuqa” njuko Yuqa Surumí nanje, Anutu koro Yuqa. <sup>†††</sup> **1:12:** “mira wimbí” njunde quko te moré kini, ko uni kumimbo njuno kama kunditeyotengo. <sup>†††</sup> **1:13:** “sambo simó” njuko komo suki-suki Anutuko unipare kama yoríní tunoqi sambo simó yondowaró. Ko itaka enejo sunará teyotengo. **§§§ 1:14:** “Jon” njuko sono re-re uni njuno nanje (Mak 6:14-29 weyo qembe).

15 Yesoworo ḡande yimitoyaró, “Itaka nanḡe Anutuko unipareyó wiri yereyote naruyó\* ḡu tunoḡewero tete. Ye quhuríyemboro newonde surumí teya quhurí ḡu se rotoya miti mande ḡa inḡoya inḡondutu ti qembe,” yaró.

16 Asa Yesuko Galili Sono Towo† tapéwore uyareyate yerepasa ka khoyari tero sono qare siyoyori yiyaró. Yerepasa ḡu, owéyari Saimon, Andru, ḡundo tirí-tirí‡ ka re sono towoko ranḡoro wosoyariyó. 17 Asa yiyoro ḡande yimiraró, “Mahe nohowiri. Nondo kho ka yunowe unipare Anutusina yowosowari,” yaró. 18 Yiní waka ta tirí-tiríyari ḡu rotoro howariyó.

19 Sonḡa ta uyaro Sepeti simó nanḡuní irisa yiyaró. Yerepasa ḡu, owéyari Jems, koneyó Jon, ḡundo wanḡo tomó ta quḡo ḡuno tirí-tirí se ronḡaruwoyariyó. 20 Yiyoro ḡande yimiraró, “Mahe nohowiri,” yiní awayari, kho uniyari wanḡo tomó ta ḡuno yorotoro howariyó.

*Yesuko yuqa piyimi ka uni quroko yora qu howaró  
(Luk 4:31-37)*

---

\* **1:15:** “Anutuko unipareyó wiri yereyote naruyómo” ḡuno inḡondutu unipareko hamó Anutu kusunḡoyómo yowanḡo. † **1:16:** “Galili Sono Towo” ḡuko parámi ta. Tapésinanḡo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ‡ **1:16:** “tirí-tirí” ḡuko sono qare siyowero qu ka. Ḥuko kutá, ko o quhurí kumi tapéwore kusiyangurí. Uni kato kanḡe ranḡoní sonono uro sono qare kusi yiriní wosoro siyangurí.

21 Asa Kaperneam yendémo § uyareᅅgurí. Sapat naruko ᅅuno Yesuko huru-huru yano \*\* oro Anutu koro mandí rondaᅅe unipare yunaró. 22 Nunde yunoní unipare iᅅoro kondé yukuwaᅅgurí. Dokoro mande yaró ᅅuko wimbí moré, hutuᅅo mande ᅅuro iᅅo-iᅅo unindoro †† mandeye ᅅunde qembe kini.

23 Nᅅu naruko ᅅuno uni ka huru-huru yano areró muko yuᅅa pusú †† ka quroko yaró. 24 Asa ᅅundo kiwero ᅅande yaró, “Aine, Yesu Nasaret nonᅅo, do nereweya? Kepe nore rowore nerewero ma-hetepe? No iᅅo kunoteno, keko Anutu koro uni meté horé ᅅu.”

25 Yiní Yesuko ᅅande qene yaró, “Ke maᅅoke kusiyoya uni ᅅu roto toᅅe!” 26 Nunde yiní yuᅅa pusú ᅅundo uni ᅅu riní khí kandí yukuwoní ki parámi tero uni ᅅu roto toᅅeró. 27 Nunde tiní unipare soso ᅅu newondeye yukuwoní niᅅu-niᅅu tero epe mito-mito taᅅurí, “ᅅa do ka? Mande keta ka wimbí moré yete! Ko enendo yuᅅa pusú yimironíᅅo, maᅅó howero waka ta roto toᅅete!” 28 Nunde yiᅅo, imemoᅅo unipare soso

---

§ 1:21: “Kaperneam yendé” ᅅuko Galili Sono Towo tapémo yora. \*\* 1:21: “huru-huru ya” ᅅuko Juda uniparetoro ya parámi mu. Sapat naruko ᅅuno hu-hariri tero Anutu koro mandí weyoyi iᅅoro hariri teyaᅅurí. †† 1:22: Nᅅu naruko ᅅuno “hutuᅅo mande ᅅuro iᅅo-iᅅo uni” ᅅundo eneᅅo iᅅo-iᅅoye moᅅo kama yaᅅurí. Kini, rondaᅅe-rondaᅅe unindo meyowomboro iᅅo-iᅅoyewore yaᅅurí. Quko Yesu koro mandí wimbí moré. Enendo Anutu koro iᅅo-iᅅoyó iᅅoro yaró. †† 1:23: “yuᅅa pusú” ᅅuko sambo simó ᅅunde qembe, quko Anutu koro saᅅgiri tero unipare rowore yereyoteᅅo.

Galili mirako ŋuno waka ta Yesuko o taró ŋuro piŋa mande iŋaŋgurí.

*Yesuko Saimon koro koŋgí riní meté taró  
(Matyu 8:14-15; Luk 4:38-39)*

<sup>29</sup> Asa Yesuko huru-huru ya§§ nonŋgo uro Saimon, Andru koro yayarimo oró. Oro Jems, Jon, Saimon, Andru ŋu soso ŋuya oŋgurí. <sup>30</sup> Ŋuno Saimon koro koŋgí kowí tiwi riní se khumo tero eteyaró. Asa yano arero pare ŋuro miraŋgurí. <sup>31</sup> Miroyi oro kandí toworo samakaŋoní otoqaró. Otoqoní kowí tiwi kini tiní pare ŋundo o qoyem-boro roŋgaruwaró.

<sup>32</sup> Kosa pusuníni suwo tiníqo, uni se khumo piyimiye moré mu soso ŋuya uni yuqa piyimi quoyemo yaŋgurí mu,\*\*\* ŋu ŋuya yore Yesuko mahenŋgurí. <sup>33</sup> Ŋunde ti yendé unipare soso makono kaŋaŋgurí. <sup>34</sup> Kaŋi Yesuko unipare qambu se khumo piyimi kate-kate taŋgurí ŋu roŋgaru yirini meté taŋgurí. Ko yuqa piyimi wata unipare quoko qu yohowini toŋenŋgurí. Yuqa piyimi ŋundo Yesu qene iŋaŋgurí. Ŋunde ŋuroko mande yewero ŋuro soré yereró.

*Yesuko yendé kano uyareyara  
(Luk 4:42-44)*

<sup>35</sup> Asa ita saraŋowero tiníqo, Yesuko otoqo toŋero mira uni kinimo hariri teyaró. <sup>36</sup> Ŋunde tiní Saimon koya topé-topémboya seqayate

---

§§ **1:29:** “huru-huru ya” ŋuko Juda uniparetoro ya parámi mu. Sapat naruko ŋuno hu-hariri tero Anutu koro mandí weyoyi iŋoro hariri teyaŋgurí. \*\*\* **1:32:** “yuqa piyimi” ŋuko sambo simó ŋunde qembe, quko Anutu koro saŋgiri tero unipare rowore yereyotenŋgo.

<sup>37</sup> qenero n̄ande miran̄gurí, “Uni soso seqa kereten̄go,” yan̄gurí.

<sup>38</sup> Yīqo, n̄ande yaró, “Nondo unipare qambu mande yesowo yimirowero n̄uro in̄oyoteno. N̄unde n̄uroko yendé meyowo kutage quno n̄uno uyato.” <sup>39</sup> Asa ko Galili mira soso n̄uno yendéne-yendéne huru-huru yayemo††† oro mande yesoworo yuqa piyimi unipare quroko qu††† yohowaró.

*Yesuko kowí piyimi khumo uni ka riní meté taró (Matyu 8:1-4; Luk 5:12-16)*

<sup>40</sup> Naru kano kowí piyimi khumo§§§ uni kato mahero Yesu nekoru potoruku te inoro n̄ande kirayaró, “Keto n̄u in̄i mepémo tiníqo, no nori sara tewano,” yaró.

<sup>41</sup> N̄unde yiní Yesuko sikí te inoro kandí san̄an̄imo rero miraró, “No n̄uro in̄oteno. Ke sara teweya.” <sup>42</sup> Yiní waka ta se khumo n̄uno qu roto toñiní sara taró.

<sup>43</sup> N̄unde tiní Yesuko asan̄oro mande kondé yaró, <sup>44</sup> “O n̄a keno tunoqete n̄aro uni ka ma

---

††† **1:39:** “huru-huru ya” n̄uko Juda uniparetoro ya parámi mu. Sapat naruko n̄uno hu-hariri tero Anutu koro mandí weyoyi in̄oro hariri teyan̄gurí. ††† **1:39:** “yuqa piyimi” n̄uko sambo simó n̄unde qembe, guko Anutu koro san̄girí tero unipare rowore yereyoten̄go. §§§ **1:40:** “kowí piyimi khumo” n̄uko nore do se khumo ka horé kama in̄oyoteto. N̄ande in̄oyoteto, ko Juda unindo se khumo uni n̄unde qu qenero, Anutu toñimo pusú yote, ye in̄oyan̄gurí. Ko Juda uni kato uni n̄unde qu towowero mepémo kini, dokoro ene n̄uya Anutu toñimo pusú tunoqeweya, ye in̄oyan̄gurí. Se khumo uni n̄unde qundo sikuno nan̄ge yoran̄gurí, yendémo yorowero mepémo kini.



yimirowero. Hutunjo mande Mosesko yimiraró ñu howeya o qa-qa uni koweke re witú yereya keto sara tunoqete quro oka Anutu te ino qembe. Njunde tiqo, se khumoke kini tete, ye inowanjo.”

\* <sup>45</sup> Yiníqo, uni ñu tonjero mondó ta kama yora. Kini, sowo mande ñu yendé soso ñuno yesowoyaró. Njunde ñuroko ñu naruko ñu nonjo Yesuko yendémo tunomo uyarewero mepémo kini, mira uni kinimo nanje yoraró. Asa unipareto Yesu koro murí inowero quro ñuno mahenjurí.

## 2

*Yesuko uni ka khí piyimi mu riní meté taró  
(Matyu 9:1-8; Luk 5:17-26)*

<sup>1</sup> Tukú, Yesu pitu ko Kaperneam uyaro yayómo oníqo, unipareto ñuro inanjurí. <sup>2</sup> Injoro mahe kopoyi ya manjoriní mako ñuya wisumuñoyi Yesuko mande yesowaró. <sup>3</sup> Njunde tiní uni se khumo uni ka, khí irisa-irisa ukumi, ñundo Yesu qenewano, yero injaró. Asa topé-topé nimí kini pitikiwore koroworo mahenjurí. <sup>4</sup> Mahi unipare qambu ya manjoriní ñu quroko owero rukusuworo ya umómo onjurí.\* Oro witu rero yakutí ñu utómbo kusiyoro mondó ta rotoyi yakutímo umburó. <sup>5</sup> Uni kandeka ñundo Yesuko ronjaruwoweya, yero inanjurí. Njunde injoro

---

\* **1:44:** Hutunjo mandeko ñande yaró, ko se khumo uni ka meté tunoqaró ñunde qundo nú irisa Anutu inoweya yaró; ka uroní khumoní o qa-qa te inoweya, ka rotoní tonjoweya. Njunde tero uni ñunde qundo yendémo meté yoweya. (O Qa-qa Uni 14:1-7 weyo qembe.)

\* **2:4:** Nju naruko ñuno “ya umó” soso ñuko surunjo kini, papare nanje, ko unipare meté owero kunditeyanjo.

uni ɲu rotoro umbuyi Yesuko yiyoro inɲondutuye† qene inɲoro ɲande yaró, “Naɲone, quhurínge se rotoní,” yaró.

6 Yano ɲuno hutuɲo mande ɲuro inɲo-inɲo uni‡ kumimbo ɲuno kunditero o soso qenero newondeyemo ɲande yero inɲaɲgurí, 7 “Do ka yete? Mande ɲuko Anutu yesaráɲoyote. Anutuko naɲge quhurí se rotowero wimbí tete.”

8 ɲunde yero inɲoyi Yesuko newondeyemo osese-osese taɲgurí ɲu qene inɲoro ɲande yimiraró, “Dokoro newondeyemo osese ɲunde qu ye inɲoyotenɲo? 9 Nondo se khumo uni ɲa, ‘Quhurínge se rotoní,’ ye mirowano tiníqo, ɲuko wuruwara mande peka, ye enɲé qenewero mepémo kini. Quko, ‘Ke otoqoya pitiki ɲu khetekhete uyare,’ yero miroweqo, mande ɲuro enɲé qenewanɲo. 10 Quko ɲande inɲi. Unindoro Naɲuní§ ɲundo nokono ɲano unindoro quhuríye se rotowero guro wimbí tete.” 11 ɲunde yero uni khí piyimi ɲu ɲande miraró, “Nondo kimirowe, ke otoqoya pitiki re korowoya yakemo u,” yaró. 12 Yiníqo, unipare soso toɲeyemo otoqoro waka ta pitiki rero toɲeró. ɲunde tiní unipare soso qenero newondeye uroní niɲgu-niɲgu tero Anutu seré te inɲaɲgurí. Kowe ɲande yaɲgurí, “Oka ɲundi ro kama qenetowó ɲu,” yaɲgurí.

---

† 2:5: “inɲondutu” ɲuko ɲandi ro, asa unipareto ɲande kondé ye inɲoyotenɲo, ko Anutuko meté sopo yereweya. ‡ 2:6: “hutuɲo mande ɲuro inɲo-inɲo uni” ɲundo Anutu koro mande ɲu unipare rondage yunoyaɲgurí. § 2:10: “Unindoro Naɲuní” ɲuko Yesu naɲge.

*Yesuko Liwai nekoní howaró  
(Matyu 9:9-13; Luk 5:27-32)*

<sup>13</sup> Asa imemongo Yesuko pitu ko Galili Sono Towo tapémo uyarini unipare qambu nyua nuno uyari Anutu koro mandí rondage yunoyaró.

<sup>14</sup> Uyareyate, Alipeus nanuni, owí Liwai, nu takis rewero paseno\*\* kunditini genero ndande miraró, “Otoqoya nohowe,” yini otoqo howaró.

<sup>15</sup> Tukú Yesu koya ino-ino rewero uniyómboya†† Liwaiko yano etero o nangurí. Nu naruko nuno takis re-re unindoya quhurí unindoya‡‡ eneya yano o nangurí. Dokoro uni nu nyua Yesu ino inoro howeyangurí. <sup>16</sup> Asa Farisi winindoro§§ hutuno mande nuro ino-ino uni\*\*\* kumimbo Yesu genero ino-ino rewero uniyó nu ndande osese yeregurí, “Dokoro takis re-re unindoya quhurí unindoya o neyote?” yangurí.

<sup>17</sup> Nunde yi Yesuko inoro ndande yimiraró, “Se khumo unindo nange dota nuno uyareyotengo. Uni meté qu nuno kama uyareyotengo. Nondo uni ronenejowímboro††† kama mahenowó. Quhurí unindoro nange mahenowó.”

---

\*\* **2:14:** Uni ndunde qundo khe tapémo pase nuno kunditero situwi koro mone siyoro wiri yerete uni inoyara. †† **2:15:** “ino-ino rewero uni” ndundo Yesu koya uyaro ino-ino rondage yunoyaró. ‡‡ **2:15:** “quhurí uni” ndundo Juda koro muriye okeyá ta kama howeyangurí. §§ **2:16:** “Farisi uni” njuko unindoro huru-huru ka Israel mirako nuno yangurí. Enendo Anutu koro hutuno mande nuro okeyá ta howero uniparetoro torjeyemo oweye parámi tangurí. \*\*\* **2:16:** “hutuno mande nuro ino-ino uni” ndundo Anutu koro mande nu unipare rondage yunoyangurí. ††† **2:17:** “uni ronenejowí” njuko Anutuko genero potó moré kini tini enejo uniyó tunoqete.

*Uni kumimbo kundinji nuro Yesu oseseyangurí  
(Matyu 9:14-17; Luk 5:33-39)*

18 Naru kano Jon<sup>†††</sup> koro ino-ino rewero uniyómboya Farisi unindoya<sup>§§§</sup> Anutu potoruku re inoro o newero nuro kundinji\* teyangurí. Asa naru kano uni kumimbo uyaro Yesu oseseyangurí, “Jon koro ino-ino rewero uniyómboya Farisi unindoro ino-ino rewero uniyemboya o newero nuro kundinji teyotengo. Quko dokoro keño ino-ino rewero unike nundiro kama teyotengo?”

19 Nunde yiyo, nande yimiraró, “Ko uni kato epe re-re tewero o ne-ne naruko nuno topé-topémbo kundinji tewero mepémo kini, hamómbe? Iyo, nuno yoníyo, kundinji kama tewango. 20 Quko imemongo uni kato uni nu ri toñeweya. Nu naruko nuno topé-topémbo newonde surumí tero o newero nuro kundinji tewango.

21 “Uni kato tuwi sombé keta qu rero tuwi komo qu wituyó mu kama tinjoweya. Kini. Imemongo kowe punu-punu sonowoníyo, tuwi keta nu wosoníqota piyimi horé wuriweya. 22 Ko uni kato wain keta qu re meme kowí punge komo quno nuno kama pungeyoweya. Kini, wain keta nuro yugayómbo punge komo nu umboronóni wain nu hausuworu nokono umbuní punge nyaya

---

<sup>†††</sup> **2:18:** “Jon” nuko sono re-re uni nu nanje. <sup>§§§</sup> **2:18:** “Farisi uni” nuko unindoro huru-huru ka Israel mirako nuno yangurí. Enendo Anutu koro hutuño mande nuro okeyá ta howero uniparetoro toñeyemo owéye parámi tangurí. \* **2:18:** Unipareto “o newero nuro kundinji” teyangurí qunoko Anutu inoro enejo ri umbuní naru kanata, irisa nundiro o kama nangurí.

piyo teweya.† Asa ko wain keta qu punge keta quuno nanje pungeyoyi qembe.”

*Yesuko Sapat naru nu sopoyote  
(Matyu 12:1-8; Luk 6:1-5)*

<sup>23</sup> Asa Sapat naru‡ kanoko Yesu koya ino-ino rewero uniyómboya§ wit koro kho keweroko uyaro ino-ino rewero uniyómbo wit simó kumi siyanğurí. <sup>24</sup> Njunde tiqo, Farisi unindo\*\* Yesu nande miranğurí, “Hutuño mande njundo otete nu soréjoro, Sapat naruko njuno nu ma tewero, yete. Ye do karo njunde tetenğo?” ††

<sup>25</sup> Njunde yiqo, mande topé yaró, “Yembe komo

---

† **2:22:** Nu naruko njuno unindo meme koro kowí rero khí kandi kusiyoro wain njuno kusinoyanğurí. Kusinoyoyi wain njuko yuqa moré, ko yuqako kowe punge nu riní koñeweya. Koñini kowe punge komo qu ka wuriweya, dokoro koñewero mepémo kini.

‡ **2:23:** “Sapat naru” njuko sonda naru weña nu. Nu naruko njuno Juda unipareto huru-huru yayemo huruwo Anutu koro mandí weyoyi inoro hariri teyanğurí. Nu naruko njuno kho ka tewero mepémo kini (Tonenğurí 20:8-11 weyo qembe). § **2:23:** “ino-ino rewero uni” njundo Yesu koya uyaro ino-ino rondaqe yunoyaró.

\*\* **2:24:** “Farisi uni” njuko unindoro huru-huru ka Israel mirako njuno yanğurí. Enendo Anutu koro hutuño mande njuro okeyá ta howero uniparetoro tonjeyemo owéye parámi tanğurí. †† **2:24:** Hutuño mande njuro ino-ino unindo nande yanğurí, ko Sapat naruko njuno uni kato kho kumi tewero mepémo kini. Enendo kho seweru mepémo kini, o yuwoyó rimiwero mepémo kini, enğé siyowero mepémo kini, ko kho kumi meyowo njuya tewero mepémo kini. Anutu koro hutuño mandeko ore mande njunde qu kama yaró, ino-ino uni nu nanje njunde kondé yero unipare soré yerenğurí.

Dewit<sup>††</sup> koya topé-topémboya o qoyemoro khumoro o tanğurí ñuro sowo mande ñumbe kama weyo inañgurí, peka?§§ 26 Asa Apiatar o qa-qa unindoro tapá uniyómboro kho taró quno ñuno Dewitko Anutu koro yano oro bret ñu Anutu tonjimo yara ñu re umburo nero topé-topé yunoní nañgurí. Quko bret ñuro, hutuño mandeko ñande yete, o qa-qa uni ñundo nañge bret ñu newaño.”  
\*\*\*

27 “Ñundiro nañge Anutuko unipare samaka yerewero quro Sapat naru rokónaró. Mande ñu howewero quro unipare kama yondowaró.  
28 Asa ko Unindoro Nañuní ñundo<sup>†††</sup> Sapat naru ñuya sopoyote.”

### 3

*Sapat naruko ñuno Yesuko uni ka kandí piyimi mu riní meté taró*  
(Matyu 12:9-14; Luk 6:6-11)

1 Asa Sapat naru kano,\* Yesuko Juda koro huru-huru yano oró. Oní uni ka kandí piyimi

---

†† 2:25: “Dewit” - komo suki Dewitko Israel uniparetoro wiri yerete uni taró. Anutuko Dewit kondé iño inaró, ko yate-yate Israel unipare ñuyako Dewit kondé iño inañgurí. §§ 2:25: 1 Samuel 21:1-6 weyo qembe. \*\*\* 2:26: O qa-qa uni ñundo bret toworo Sapat naru kano Anutu koro tonjimo yakutimo rotañgurí. Sonda kanata quroko ñuno roti kini tiní o qa-qa unindo nañgurí. (O Qa-qa Uni 24:5-9 weyo qembe.) ††† 2:28: “Unindoro Nañuní” ñuko Yesu nañge. \* 3:1: “Sapat naru” ñuko sonda naru weña ñu. Ñu naruko ñuno Juda unipareto huru-huru yayemo huruworo Anutu koro mandí weyoyi iñoro hariri teyañgurí. Ñu naruko ñuno kho ka tewero mepémo kini (Tonñenğurí 20:8-11 weyo qembe).

mu ηuno yoraró. <sup>2</sup> Yoní Farisi unindo† Yesuko uni ηu ronḡaruwoní sopo qeneḡurí. Nunde ronḡaruworo Sapat naru ηuro hutuḡo mande wendaqiniḡo, mande kho Yesu inowato, ye iḡaḡurí. <sup>3</sup> Asa Yesuko uni kandí piyimi ηu ηande miraró, “Otoḡo, keweroko ηano kaḡe,” yaró.

<sup>4</sup> Nunde yero Farisi uni ηande osese yereró, “Sapat naru ηa do otete ka hutuḡo mande wendaḡeweya? O meté tewatope ma o piyimi te inowato, asa uni ka ronḡaruwowatope ma urato khumoweya?” Nunde yini mondó ta kundi-taḡurí.

<sup>5</sup> Nunde ti toḡete yiyoro saḡirí taró. Farisi uni ηundo newondeye kondé kusiyaḡurí. Nunde ηuro Yesuko newonde surumí parámi tero uni kandí piyimi ηu ηande miraró, “Kandeke raḡo.” Yini kandí raḡoní meté taró. <sup>6</sup> Nunde tini Farisi unindo ya rotoro Herot koro topé-topémboya‡ epe mito-mito tero Yesu urowero kheyó se-ḡaḡurí.

*Yesuko se khumo uni qambu yorini meté taḡurí  
(Luk 6:17-19)*

<sup>7</sup> Asa Yesu koya iḡo-iḡo rewero uniyómboya§ Galili Sono Towoko ηuno uḡurí. Uyi unipare qambu parámi Galili noḡo, Judia noḡo ηundo howaḡurí. <sup>8</sup> Njuya unipare Yerusalem

---

† **3:2:** “Farisi uni” ηuko unindoro huru-huru ka Israel mirako ηuno yaḡurí. Enendo Anutu koro hutuḡo mande ηuro okeyá ta howero uniparetoro toḡeyemo owéye parámi taḡurí. ‡ **3:6:** “Herot,” owí kako “Antipas,” ηundo Galili mira sopo yereró.

§ **3:7:** “iḡo-iḡo rewero uni” ηundo Yesu koya uyaro iḡo-iḡo rondaḡe yunoyaró.

yendé mongo, Itumea mira konngo, mira Jotan Sono karóno andusinaŋgo, yendé irisa Tair koya Saiton\*\* nonngo ŋu, soso Yesuko kho taró ŋuro piŋa mandeyó inoro Yesu qenewero uyareŋgurí. <sup>9-10</sup> Uyari Yesuko se khumo uni qambu ŋuno ronŋaru yirini meté tiqo, se khumo uni qambu Yesu pekánowero epe pito-pito taŋgurí. Nunde ŋuroko Yesuko ino-ino rewero uniyó ŋande yimiraró, “Waŋgo tomó ta ka ronŋaruwoyika kondé pito nerewaŋgo tiniqo, waŋgowore toŋewano, peka,” yaró.

<sup>11</sup> Kowe yuqa pusúmbot†† Yesu qeneroqo nokono umburo ŋande nekoyaŋgurí, “Keko Anutu koro Naŋuni,” yaŋgurí. <sup>12</sup> Quko ŋande yiyo yaró, “Nenemboro ma yewero,” yaró.

*Yesuko asá yerewí uni 12 rokó yereró  
(Matyu 10:1-4; Luk 6:12-16)*

<sup>13</sup> Asa Yesuko mira purímo oro ino-ino rewero unit†† kumi neko yirini ŋuya onŋgurí. <sup>14-15</sup> Oro ino-ino rewero uniyó khe saŋiyoro irisa rokó yerero owé ka “asá yerewí uni” re yunaró. Nunde rokó yirini eneya taŋgímo yowaŋgo, ye inaró, ko miti yesowowero, Anutu wimbímo yuqa piyimi yohowewero quro asá yereró. <sup>16</sup> Asa uni khe saŋiyoro irisa rokó yereró ŋuro owéye muko ŋandiro: Saimon (asa Yesuko owé kaŋuya Pita

---

\*\* **3:8:** “Tair koya Saiton” ŋuko kape unindoro yendéye, Juda koro miraye sumeyoro windi tapémo ŋuno yorariyó. †† **3:11:** “yuqa pusú” ŋuko sambo simó ŋunde qembe, quko Anutu koro saŋgirí tero unipare rowore yereyotenŋgo. †† **3:13:** “ino-ino rewero uni” ŋundo Yesu koya uyaro ino-ino rondaqe yunoyaró.



yaró). <sup>17</sup> Kowe Sepeti nanuní irisa ñu Jems, Jon (asa Yesuko owéyari kanjuya Boanerikes yaró. Owé ñu murí muko ñandiro: Kusiroko Njuri Tete ñundiro.) <sup>18</sup> Kowe Andru, Filip, Bartolomeyu, Matyu, Tomas, Jems Alipeus nanuní, Tatius, Saimon, ñuko Selot koro wini ka,§§ <sup>19</sup> Jutas Isikariot. Uni weña ñundo imemonjo Yesu re uni piyimi kandeyemo rotoweya.

*Yuqa piyimi kato Yesu wimbu inotepe ma kini?  
(Matyu 12:24-32; Luk 11:14-23; 12:10)*

<sup>20</sup> Asa Yesuko ya kano oró. Oní unipare qambu kopoyi Yesu koya injo-injo rewero uniyómboya\*\*\* o newero mepémo kini tanğurí. <sup>21</sup> Nju naruko ñuno unipareto ñande yanğurí, “Yesuko kapekape hamó teyote, peka.” Njunde yi eneño suwisawiyómbo inoro o soso taró njuro inoro, sopoya towato, yero inoro uyarenğurí.

<sup>22</sup> Kowe hutunjo mande njuro injo-injo unindo††† Yerusalem roto uro ñande yanğurí, “Belisipuluko‡‡‡ Yesu sopoyote,” yero “Yuqa piyimimboros§§§ uni kembéyembo wimbímo yuqa piyimi uni quroko yote ñu yohowiní toneyotenjo,” njunde yanğurí.

---

§§ 3:18: “Selot koro wini” ñuko sanğirí uni. Enendo Rom unindoya kuma teyanğurí, dokoro Rom koro wiri yerete uni parámimbo ene sopo yerewero quro piyimijanğurí. \*\*\* 3:20: “injo-injo rewero uni” ñundo Yesu koya uyaro injo-injo rondaqe yunoyaró. ††† 3:22: “hutunjo mande njuro injo-injo uni” ñundo Anutu koro mande ñu unipare rondaqe yunoyanğurí. ‡‡‡ 3:22: “Belisipulu” ñuko Monimbu nanğe, owí kako “Satan”. §§§ 3:22: “yuqa piyimi” ñuko sambo simó njunde qembe, quko Anutu koro sanğirí tero unipare rowore yereyotenjo.

23 Asa Yesuko unipare kopo yerero tapara mande\* rondage yunoro n̄ande yaró, “Monimbuko eneño topé-topé yohowewero rukusuwote. 24 Wiri yerete unindoro mira qu kato usoworo uni soso wini irisa tero kuma tewango tiníqo, mira n̄uko piyo teweya. 25 Ko sowe-sowe ka epe uto-uto teyotengo tiníqo, sowe-sowe n̄u usoworo piyo teweya. 26 Ko Monimbu koya topé-topémboya epe uto-uto teyotengo tiníqo, Monimbu n̄u kini teweya. 27 Uni kato uni kondémboro† situwiyó siyowero yayómo kinange kama oweya. Kini. Koretero uni n̄uko uni kondé n̄u khe kandí kusiyoro imemonngo situwiyó soso siyoweya. 28 Nondo hamó yimiroteno. Unipareto quhurí parámi teyotengo, ko Anutu yesaráñoyotengo. Anutuko quhurí n̄u soso meté se rotoweya. 29 Quko unipare kato Anutu koro Yuqa Surumí n̄u yesaráñoyiqo, Anutuko quhurí n̄u kama re rotoweya. Suki-suki quhurí n̄u koro rowoyoweya.” 30 Nunde yaró, dokoro uni kumimbo yeyangurí, “Yuqa pusúmbo Yesu sopoyote,” yangurí.

*Yesu koro nimí-topé horé n̄u dani?  
(Matyu 12:46-50; Luk 8:19-21)*

31 Asa Yesu koro nimímboya kone-topémboya yano mahero mirako kanero mande ri Yesuko oró. 32 Oní unipare qambu Yesu wuririyoro kunditanjurí n̄undo n̄ande mirangurí, “Qeno, n̄ange,

---

\* **3:23:** “tapara mande” n̄uko sowo mande nange. Yesuko sowo mande nunde qu yero oka witú yereró. † **3:27:**

kone-topoke, kaṅero ke kiyowero yetenḡo amu,” yaṅurí.

<sup>33</sup> Quko mande topé ṅande yaró, “Dani náme, one-topone ka?” yaró.

<sup>34</sup> Yero unipare wuririyoro kunditanḡurí mu yiyoro ṅande yimiraró, “Qeni, ṅano unipare yotenḡo ṅando ta nenenḡo náme, one-topone. <sup>35</sup> Dokoro unipareto Anutu koro inḡo-inḡoyó howey-otenḡo ṅuko nenenḡo náme, one-topone horé.”

## 4

*Uni kato wit musiyó khono kuriyaró ṅuro tapara mande qu*

*(Matyu 13:1-23; Luk 8:4-15)*

<sup>1</sup> Asa pitu ko Galili Sono Towo tapémo ṅuno mande rondaḡe yunaró. ṅunde tiní unipare qambu parámi horé wuririyoyi waṅgo tomó ta quroko uro sono saṅano kunditero mande yimiraró. Yimironí unipare qambu ṅu sono towo tapémo kaṅṅurí. <sup>2</sup> ṅuno kaṅeyuri tapara mande\* qambu yimitoyoro ṅande yaró,

<sup>3</sup> “Inḡoyí, naru kano uni kato o yuwoyó khono se kuriyaró. <sup>4</sup> Kuriyoní kumi kheko umbuyi númbo mahero nemukaṅurí. <sup>5</sup> Kumi noko wondo se-qemo yote ṅuno umburó, ko waka ta tonḡi raṅoro wotaṅurí, dokoro noko parámi moré kini. <sup>6</sup> Quko hurí meté kama uró. ṅunde ṅuroko wotiḡo, kosa kondé qeniní asáḡe khumaṅurí. <sup>7</sup> Kumi kakari keweroko umburo wotaṅurí, ko kakari muko noko kiruwó wosoro kosa saki riní enḡé kama

---

\* **4:2:** “tapara mande” ṅuko sowo mande naṅge. Yesuko sowo mande ṅunde qu yero oka wítú yereró.

taŋguri. <sup>8</sup> Kumi noko meté muno umburo wotero parámi taŋguri, ko kumi enjé 30 tero, kumi enjé 60 tero, kumi 100 nunde taŋguri.

<sup>9</sup> “Uni ka kusumbí moré tiníqo, mande ŋa iŋoní.”

<sup>10</sup> Tukúko, unipare qambu ŋu roto toŋiqo, iŋo-iŋo rewero uni† khe sanjoro irisa ŋuya iŋo-iŋo rewero uni kumimboya tapara mande ŋuro iŋi tondaŋewero quro oseseyaŋguri. <sup>11</sup> Oseseyiqo, mande topé ŋande yaró, “Komoko, Anutuko unipareyó wiri yereyote naruyó‡ ŋuro mande ŋuko mande tapuŋowí mu.§ Itaka yepa naŋge mande ŋu tunomo rondaŋe yunoyoteno, quko uni ki-naŋge koro tapara mande yimiroteno. <sup>12</sup> Njundiro Anutu koro mande ŋa hamó tunoqeweya:

“Qeneyowaŋgo, quko iŋondutuye kama hiyóqini,

Iŋoyowaŋgo, quko kama iŋoyi tondaŋini,  
Yate quhuri moŋgo rohoréŋo mahi quhuriye se rotowano koro.’ ”

<sup>13</sup> Yero ŋande yaró, “Tapara mande ŋa kama iŋoyi tondaŋete tiníqo, tapara mande soso kama iŋoyi tondaŋeweya. <sup>14</sup> Tapara mande ŋuro murí muko ŋandiro: o yuwoyó kuriyaró muko Anutu koro mande ŋu naŋge. <sup>15</sup> O yuwoyó kheko umbuŋguri ŋuko ŋandiro: unipareto mande

---

† **4:10:** “iŋo-iŋo rewero uni” ŋundo Yesu koya uyaro iŋo-iŋo rondaŋe yunoyaró. ‡ **4:11:** “Anutuko unipareyó wiri yereyote naruyómo” ŋuno iŋondutu unipareko hamó Anutu kusunoyómo yowaŋgo. § **4:11:** “mande tapuŋowí” ŋunde quko iŋo-iŋo ka Anutuko komo tapuŋoro itaka naŋge wisiyo yunoyote.

injoyiqo, waka ta Monimbuko mahero mande ŋu newondeyemo se ta yere rotoyote. <sup>16</sup> O yuwoyó noko wondo seqemo yote ŋuno umbuŋurí ŋuko ŋandiro: unipareto mande inoro ŋuro niŋu-niŋu teyotenŋo. <sup>17</sup> Quko hurí noko quroko uyote ŋunde kini. Asa ko quhurí korowoyotenŋope ma unindo ŋu mande ŋuro o piyimi te yunoyotenŋo quno ŋuno waka ta rotoyotenŋo. <sup>18</sup> O yuwoyó kakari keweroko umbuŋurí ŋuko ŋandiro: unipareto mande ŋu inotenŋo. <sup>19</sup> Quko naru kano noko koro o quro inañawí teyote, ko mone parámi siyowero ŋuro murí koya o meyowo siyowero murí ŋuko kanáŋoyote. O enesó ŋundo Anutu koro mande ŋu weheŋoní enŋé moré kini. <sup>20</sup> O yuwoyó noko meté muno umbuŋurí ŋuko ŋandiro: unipareto mande inoro kondé towoyotenŋo, ko kumi enŋé 30 tero, kumi enŋé 60 tero, kumi enŋé 100 ŋunde teyotenŋo.”

*Hiyómbe re tunomo rewerope ma kini?*

*(Luk 8:16-18)*

<sup>21</sup> Nunde yero Yesuko ino-ino rewero uniyó ŋande osese yereró, “Unindo hiyó rero kondó kusunoyómo tapuŋowaŋgope ma ya kusunoyómo rewaŋgo, peka? Kini, ya quroko pikowaŋgo. <sup>22</sup> Dokoro o tapuŋowí ŋu soso tunomo reweya. Ko o pokamowí ŋu soso wisiyoweya. <sup>23</sup> Ye soso ino-inoye moré tiníqo, mande ŋa inji.”

<sup>24</sup> Nunde yero ŋande yaró, “Ye kondé inoya howi qembe. Ye date unipare o te yunoyotenŋo ŋuro rokóŋo ŋuwore naŋge Anutuko meté te yunoweya. Te yunoro kaŋuya sajanímo te yunoweya. <sup>25</sup> Uni ka o kumi towote tiníqo,

Anutuko o kumi kaṅuya sajanímo rero inoweya. Ko uni oyó moré kini ṅuko, Anutuko o tomó ta qu towoyote ṅu siyoní kini teweya.”

*Musiyó wotewero quro tapara mande ka yaró*

<sup>26</sup> Kowe ṅande yaró, “Asa, Anutuko unipareyó wiri yereyote naruyó\*\* ṅuko ṅandiro nanḡe. Uni kato wit musiyó nokono rimiró. <sup>27</sup> Suwonope ma kosano uni ṅu eteyonímbe ma otoqoyoní, o yuwoyó ṅu woteyara. Quko uni ṅundo o yuwoyó woteyara ṅuro murí kama iṅaró. <sup>28</sup> Nokopo nanḡe tiní toní raṅoroqota wotero, yate suwómo ṅuno taṅgurí raró. <sup>29</sup> Asa naru kini tiníqo, taṅgurí mando tiní waka ta uni ṅundo enḡé tonḡo siyaró.”  
††

*Musiyó tomó ta ka ṅuro tapara mande ka yaró  
(Matyu 13:31-32; Luk 13:18-19)*

<sup>30</sup> Kowe ṅande yaró, “Anutuko unipareyó wiri yereyote naruyó†† ṅuro date yewe? ṅuro do tapara mande§§ ka yewe? <sup>31</sup> Asa ṅuko mastet koro musiyó\*\*\* ṅunde qembe. Musiyó ṅuko tomó ta horé, musiyó kumi nokono rimiwero

---

\*\* **4:26:** “Anutuko unipareyó wiri yereyote naruyómo” ṅuno iṅondutu unipareko hamó Anutu kusunḡoyómo yowaṅgo.

†† **4:29:** “wit” ṅuko komó ka, unindo taṅgurí siyoro rumunḡoyi plaua tiní plaua, sono, yis soso rohoréṅoro bret qayotenḡo. †† **4:30:** “Anutuko unipareyó wiri yereyote naruyómo” ṅuno iṅondutu unipareko hamó Anutu kusunḡoyómo yowaṅgo.

§§ **4:30:** “tapara mande” ṅuko sowo mande nanḡe. Yesuko sowo mande ṅunde qu yero oka witú yereró. \*\*\* **4:31:** “mastet” ṅuro musiyó ṅuko tambi koro musiyó ṅunde qembe.

qu ηu taka yereyote. <sup>32</sup> Quko mastet rimiy-  
iqo, kunzi qembe parámi wotero kambini parámi  
reweya. Njundiro riní nú meté yoñoyómo paseye  
rewaño.”

<sup>33</sup> Asa Yesuko unipare meté inji tondañewero  
quro wimbuye qene rondañero tapara mande  
ñunde qu nañge rondaqe yunoyara. <sup>34</sup> Tapara  
mande nañge yimitoyaró. Yimironí unipare  
tonjico, tapara mande ηuro murí ηu ino-ino  
rewero uniyó††† nañge yunoyaró.

*Yesuko yini matú parámi imaqaró*  
*(Matyu 13:34-35)*

<sup>35</sup> Asa ηu naruko ηuno mande yeyate suwo  
tiníqo, Yesuko ino-ino rewero uniyó††† ηande  
yimiraró, “Nore sono towo karóñoro andusina  
uyato.” <sup>36</sup> Nñunde yini Yesu rero unipare qambu  
yorotoro wañgowore uyareñgurí. Uyariqo, uni  
kumimbo waño kumiwore eneya uyareñgurí.  
<sup>37</sup> Uyari yate-yate matú parámi horé arero  
sono howiní sono waño quroko uro ram-  
baruru yerewero taró. §§§ <sup>38</sup> Yesuko waño koro  
kundósina kemba tutu sañano eteyaró. Asa  
okokoworo ηande yañgurí, “Awa, matú ηando  
rowore nerewero tete. Noreño date injote?”  
yañgurí.

---

††† **4:34:** “ino-ino rewero uni” ηundo Yesu koya uyaro ino-ino  
rondaqe yunoyaró. ††† **4:35:** “ino-ino rewero uni” ηundo  
Yesu koya uyaro ino-ino rondaqe yunoyaró. §§§ **4:37:** “Galili  
Sono Towo” ηuko parámi ta. Tapésinañgo anduwore qenewero  
mepémo kini, kapiyamo. Piruyó muko kilomita 20, ko papareyó  
muko kilomita 9.

<sup>39</sup> Njunde yiḡo, Yesuko otoḡoro matú ḡuya sono ḡuya ḡande ḡene yaró, “Roto, imaḡiri!” yini matú kini tini sono towo ḡuya imaḡaró.

<sup>40</sup> Imaḡini ḡande osese yereró, “Dokoro sasaro tetenḡo? Ye nenenḡo wimbunemboro watí kama inḡotenḡo ḡu!”

<sup>41</sup> Yini sasaro parámi tero epe mito-mito tanḡurí, “Ḋu dani? Enendo yiniḡo, matú koya sono towo koya mandí howero imaḡetiri!” yanḡurí.

## 5

*Yesuko yuḡa ḡambu uni quroko yohowini tonḡurí*

*(Matyu 8:28-34; Luk 8:26-39)*

<sup>1</sup> Asa Yesu koya uniyómboya uyareyate Galili Sono Towo tapémo mira ka owí Gerasa ḡuno uyarenḡurí. <sup>2</sup> Úyaro waḡo rotoro mahiḡo, uni ka yuḡa pusú\* quroko yaró ḡundo uni tapu† yendé moḡo eneno maheró. <sup>3</sup> Uni ḡu uni tapu yendémo ḡuno yotoro o sanḡirí teyara. Teyoní ya yendé unindo utó kondéwore kusiyowero mepémo kini. <sup>4</sup> Naru rokóḡo khe kandí kondé kusiyoyiḡo, utó ḡu romboḡeyara. Njunde ḡuro yendé unindo uni ḡu ri imaḡewero mepémo kini. <sup>5</sup> Naru rokóḡo, kosa suwo uni tapu yendémo ḡuno yotoro mira purí

---

\* **5:2:** “yuḡa pusú” ḡuko sambo simó ḡunde ḡembe, ḡuko Anutu koro sanḡirí tero unipare rowore yereyotenḡo. † **5:2:** “uni tapu” ḡuko wondo yayó nanḡe. Juda unindo uni khumaró ḡu rero wondo yayó huwósina rotoyango. Asa ko uni ḡundo wondo yayómboro maḡḡo ḡuno meté eteyaró.



suruṅono neko kiwero eneṅombo wondo siyoro kowí uroní piyo teyara.

<sup>6</sup> Asa Yesu kapiya moṅgo qenero kheṅgeṅo ma-hero potoruku taró. <sup>7-8</sup> Tiní Yesuko ṅande yaró, “Yuqa pusú, ke uni ṅa roto toṅe!” yaró. ṅunde yini mande parámi ṅande yaró, “Yesu, Anutu Koreko Horé yote ṅuro Naṅuni, ke do nereweya? Ke Anutu owímo mande ṅande kondé yeka, keto kama rambaruru nereweya!” yaró.

<sup>9</sup> Yini ṅande miraró, “Owéṅge neko.”

Yini mande topé ṅande yaró, “No owéne Lekiyon, dokoro nore qambu quroko ṅano yoteto,” yaró. <sup>10</sup> Yero osese kondé taró, “Ke nore mira ṅa noṅgo ma nore raṅowero,” yaró.

<sup>11</sup> ṅu naruko ṅuno purí kutaqemo saṅano po qambu o neyaṅurí. <sup>12</sup> Asa yuqa piyimi ṅundo ṅande oseseyaṅurí, “Asá nereka nore po quroyemo uwato,” yaṅurí. <sup>13</sup> ṅunde yiṅo, Yesuko “Meté,” yini yuqa pusú ṅu uni rotoro po quroyemo uṅurí. Uyiṅo, po 2,000 ṅunde qundo purí titiní moṅgo kheṅgeṅoro Sono Towo quroko uro khumayaṅurí.

<sup>14</sup> Khumoyiṅo, po sopo-sopo unindo qenero sore toṅero unipare yendé parámimo ṅuya mira soso ṅuno yimiroyi qenewero mahayaṅurí. <sup>15</sup> Mahero Yesuko mahi uni yuqa piyimi qambu komo quroko yoraṅgo qu ṅundo tuwi kowí punuworo iṅo-iṅoyó hiyóqini kunditeyaró. Kunditeyoní unipare qene sasaro parámi taṅurí. <sup>16</sup> Pitu ko po sopo-sopoko o soso tunoqaró ṅuro yimiraṅurí. <sup>17</sup> Yimiroyi iṅoro Yesu kondé

miranğurí, ko miraye ñu rotoro meywomo toñeweya, yañğurí.

<sup>18</sup> Nñunde miroyi Yesuko wañgo tomó ta quno uníqo, uni yuqa piyimi komo quroko yorañgo ñundo Yesu koya toñewero koro kondé oseseyaró.

<sup>19</sup> Yiní mande topé ñande yaró, “Kini, keto yano uya suwisawike yiyoro Uni Parámimbo o soso te kunoro sikíñge te kunote ñuro yimito qembe.”

<sup>20</sup> Nñunde yiníqo, uni ñu roto toñero Dekapolis mirako† ñuno Yesuko o soso te inaró ñuro unipare yesoworo yimironí inondata parámi tanğurí.

*Yesuko pare parámi kaya, pare keta kaya yorini meté tariyó*

*(Matyu 9:18-26; Luk 8:40-56)*

<sup>21</sup> Yesuko mira ñu rotoro pitu ko wañgowore Sono Towo sañawore uyaró. Andusina tapémo uyaro wañgo rotoro nokono ariní unipare qambu parámi eneno kopañğurí. <sup>22</sup> Kopoyi uni ka, owí muko Jairus, Juda koro huru-huru ya§ sopoyara qundo mahero Yesu qenero khímo rokarajo umburo <sup>23</sup> newondí surumímboro ñande yaró, “Nambone khumowero tete. Keto ñuno uyareya kan-dekepo reka meté yoní,” yaró. <sup>24</sup> Yiní uyaririyó.

Uyariri unipare qambu mahero kutage-kutage wuriri yereñğurí. <sup>25</sup> Nño se khumo pare parámi ka yaró. Pare ñu kumima naru 12 ñunde rotoro

---

† **5:20:** “Dekapolis mira” ñuko kape unindoya Juda uniparetoya mirako ñuno kunditeyañğurí, ko Herot koro nanjini Filipko sopo yereró. Owé murí muko ñandiro: Yendé Parámi mu Kande Iriisa.

§ **5:22:** “huru-huru ya” ñuko Juda uniparetoro ya parámi mu. Sapat naruko ñuno hu-hariri tero Anutu koro mandí weyoyi inoro hariri teyañğurí.

naru rokóño kombo khumo tero sitú rañoyara. <sup>26</sup> Dota qambu ñunde osese yerero marasin qambu reyara. Quko se khumoyó ñu kama kini tero parámi taró. Kowe marasin kimowero guro situwiyó soso kini taró. <sup>27-28</sup> Asa Yesu koro ñoro mahero ñande ye ñaró, “Tuwiyó pekáñoweka pitu ko meté tewano.” Ñunde yero ñoro unipare qambu quwore huwósina mahero tuwiyó piru ñu pekáñaró. <sup>29</sup> Pekáñoní ñu naruko nanje se khumo piyimi ñu kini tiní kowí meté tiní, “Ésone, meté teteno,” ye ñaró.

<sup>30</sup> Ñu naruko nanje Yesuko yero ñaró, “Wimbu ka norotote,” ye ñoro rohoréjoro unipare ñande osese yereró, “Danimbo tuwine pekáñote?” yero yaró.

<sup>31</sup> Ñunde yini ño-ño rewero uniyómbó\*\* mande topé ñande yañgurí, “Do ka yete? Qeno, unipareto kutage-kutage koporo qambu horé peká keretengo,” yañgurí.

<sup>32</sup> Quko “Danimbo peká nerete?” ye ñoro toñete yiyoro wuririyaró. <sup>33</sup> Asa pare ñu meté tero ñoro sasaro tero yukuworo khímo umbu rañoro mande hamó soso ñu ye miraró. <sup>34</sup> Mironí ñande yaró, “Nambone, keño ñondutukepo†† koriní meté tete. Imemonjo toñeka se khumo ñu kini temukoweya,” yaró.

<sup>35</sup> Ñunde yeyoníqo, uni kato mahero sopo-sopo uni ñu ñande miraró, “Namboke khuma.

---

\*\* **5:31:** “ño-ño rewero uni” ñundo Yesu koya uyaro ño-ño rondage yunoyaró. †† **5:34:** “ñondutu” ñuko ñandiro, asa unipareto ñande kondé ye ñoyotengo, ko Anutuko meté sopo yereweya.

Rondage-rondage uni ŋu rotoka quhurí watí ma inowero.”

<sup>36</sup> Nunde yi Yesuko inoro Jairus ŋande miraró, “Ma sorewero, inondutu hamó qu nange te,” yaró.

<sup>37</sup> Yeroqo unipare soso howewero guro soré yerero Jairus, Pita, Jems, koneyó Jon yorero <sup>38</sup> sopo-sopo unindoro yano uyareŋgurí. Nuno unipare qambu tendo mukuru taŋgurí. <sup>39</sup> Nunde tiqo, yano oro ŋande yimiraró, “Dokoro ŋandiro tendoyotenqo? Simó ŋu kama khuma. Eteyote,” yaró. <sup>40</sup> Nunde yini inoro yomaŋgurí.

Yomoyi Yesuko ya nonqo yohowero pare khumaró ŋuro iwí-nimímboya uni Yesu koya uyareŋgurí ŋuya yorero yakutímo onqurí. <sup>41</sup> Nuno oro pare khumaró ŋu kandí toworo ŋande miraró, “Talita kum,” yaró. (Mande ŋu murí muko ŋandiro: “Pare ta otoqo, yeteno.”) <sup>42</sup> Nunde yini waka ta pare ŋu otoqoro uyare mahe taró. Dokoro pare ŋu tomó ta horé kini, ene kumima naruyó khe saŋiyoro irisa nunde qundo taró. Asa unipare soso nuno inondutuye enesó-enesó taŋgurí. <sup>43</sup> Quko Yesuko mande kondé ka ŋande yimiraró, “Naro ma yewero.” Nunde yero ŋande yaró, “O inorika nini,” yaró.

## 6

*Nasaret unipareto Yesu koro piyimiŋaŋgurí  
(Matyu 13:53-58; Luk 4:16-30)*

<sup>1</sup> Asa Yesu koya ino-ino rewero uniyómboya\* ŋu nonqo tonqero eneqo yendémo uyareŋgurí. <sup>2</sup> Sapat

\* **6:1:** “ino-ino rewero uni” nundo Yesu koya uyaro ino-ino rondage yunoyaró.

naruko† ηuno huru-huru yano oro mande rondaqe yunaró. Nuno huru-huru yano oro mande rondaqe yunaró.

Yunoní kondé yukuworo ηande yaŋguri, “Nju date tero inote? Dani kato ino-ino ηu inaró? O wimbí moré ηu date teyote?” yaŋguri. <sup>3</sup> Nunde yero ηande yaŋguri, “Uni ηuko kewá koro o murí-murí ηu towoyara naŋge. Nju ko Maria naŋuni, ko Jems, Joses, Jutas, Saimon koro paye, ko siwo-kuwí ηano yoteŋgo, hamómbe?” Nundiro yero owí ri umbuní eneŋo piyimiŋguri.

<sup>4</sup> Nunde yiŋo, Yesu mande topé ηande yaró, “Yendé soso quno ηuno unipareto ye-ye uni ka‡ ará te inoyoteŋgo. Quko eneŋo mirayómo, yayó horémoko ará kama te inoyoteŋgo,” yaró. <sup>5</sup> Nunde ηuro Yesuko mira ηuno o wimbí moré ka tewero mepémo kini. O tomó ta-ta naŋge taró. Asa, se khumo uni kumi saŋayemo kandí riní meté taŋguri. <sup>6</sup> Kowe unipareto inondutuye piyimi ηuro inondata parámi taró.

*Yesuko ino-ino rewero uni 12 ηu kho yunoro asá yereró*

*(Matyu 10:5-15; Luk 9:1-6)*

Asa imemoŋgo yate yendé kumi kutaqewore ηuno uyaro mande rondaqe yunoyaró. <sup>7</sup> Nju naruko ηuno ino-ino rewero uniyó 12 ηu§ neko

---

† **6:2:** “Sapat naru” ηuko sonda naru weŋa ηu. Nju naruko ηuno Juda unipareto huru-huru yayemo huruworo Anutu koro mandí weyoyi inoro hariri teyaŋguri. ‡ **6:4:** “ye-ye uni” ηuko Anutuko mandí yunoní unipare yunaŋguri. § **6:7:** “ino-ino rewero uni” ηundo Yesu koya uyaro ino-ino rondaqe yunoyaró.

yerero irisa-irisa yorero asá yereró. Nunde tero yuqa pusú\*\* yohowewero quro wimbu kondé yunaró.

8-9 Asá yerero mande kondé nande yimiraró, “Ye uyari qembe, quko yeño o qoyembo, pungeye, wondo musiyó kumi ma siyowero. Usú ka, khe punu-punu ko kowe punu-punu kanata nunde nanqe siyoyi qembe. 10 Yendé kano oro koretero ya kano owanqo tiníqo, ya nuno nanqe eteyuri qembe. 11 Ko yendé kano unipareto mandeye inoro ninqu-ninqu kama tiqo, yorotoro yendé sumeyoro nuno noko murutómi kheyemo nu siyoyi umbuweya. Rokó nunde tiqo, unipare nundo nande qene inowanqo, ‘Anutuko noreya sangirí tete,’ ye inowanqo,” yaró.

12 Yiní tonero yendé kano-kano mande nande yesowo yimirangurí, “Ye quhuriyembo newonde surumí teya quhurí nu se roti.” 13 Nunde yimitoro yuqa piyimi qambu†† uni quro konqo yohowi toni, kiruwó sonoyó se khumo uni qambu kembayemo hausuwoyi meté tanqurí.

*Herotko Jon uroní kumaró  
(Matyu 14:1-12; Luk 3:19-20; 9:7-9)*

14 Asa nu naruko nuno wiri yerete uni ka, owí

---

\*\* 6:7: “yuqa pusú” nuko sambo simó nunde qembe, quko Anutu koro sangirí tero unipare rowore yereyotenqo. †† 6:13: “yuqa piyimi” nuko sambo simó nunde qembe, quko Anutu koro sangirí tero unipare rowore yereyotenqo.

muko Herot,<sup>††</sup> nundo Yesu koro piñayó inaró. Uni kumimbo Yesu nuro nande miranğurí, “Jon, sono re-re uni nundo uni tapu koñgo pitu ko otoqaró. Nju murí nuro wimbu ka enewore kho teyote,” yanğurí.

<sup>15</sup> Kumimbo nande miranğurí, “Uni nuko Elaija<sup>§§</sup> nançe,” yanğurí.

Ko kumimbo nande miranğurí, “Uni nuko ye-ye uni komo yoraño nunde qembe,” yanğurí.

<sup>16</sup> Herotko mande soso nju inoro nande ron-danaró, “Uni nuko Jon nançe, uni urowe khumaró qu nundo pitu ko yote,” yaró.

<sup>17-18</sup> Nunde yaró, dokoro komo Herot koya Herotias koya epe re-re tariyó. Quko Herotias nuko Herot koro payó Filip nuro parí. Nunde nuroko Jonko Herot nande mito yaró, “Keto pare nju raró nundo hutuño mande wendaqeyote.” Nunde mironí uni parámi nundo Jon rero kusikusi yano rotaró. <sup>19</sup> Asa pare nju, owí muko Herotias, Jon nuro sanğirí taró, quko urowero kheyó moré kini. <sup>20</sup> Dokoro kamímbo Jon nuro sasaro tero nande ye inaró, ko uni nuko uni ronenejowí, uni meté horé qu ka. Nunde ye inoro

---

<sup>††</sup> **6:14:** “Herot,” owí kako “Antipas,” nundo Galili mira sopo yereró, quko enendo Rom koro wiri yerete uni parámi kasirayómo yora. Wiri yerete uni parámi nundo owé parámi ka Herot inaró. Komo Herot koro iwímbo Juda unipare soso wiri yiriniqo, Mariako Yesu pisiyaró. **§§ 6:15:** “Elaija” nuko Anutu koro ye-ye uni komo qu ka, komo suki kama khumoní Anutuko kina rini samboko oró (2 Wiri yerete Uni 2:11 weyo qembe). Malakai 4:5-6 nande yete, ko Elaija pitu ko mahero o ka ronğaruwonikata Anutuko unipare soso ronda yereweya.

Jon soporo naru rokóŋoro mandí inoro inondata teyara, quko inowero guro metéŋoyara.

21 Yate-yate Herotiasko Jon urowero naruyó sopoyara. Sopoyoní naru kano Herotko naru nimímbo pisiyaró ŋuro o ne-ne taró. O ne-ne naruko ŋuno Herot koro kho uni pará-parámboya kuma unindoro uni kembémboya\*\*\* Galili koro uni pará-parámboya mahenŋurí. 22 Soso mahero o niŋo, Herotias nambuní ŋuno uyaro qunoraró.

Qunoroní Herot koya topé-topémboya qenero niŋgu-niŋgu parámi tero ŋande miraró, “Quno ŋuro kimoyómbe tomó tape kunowanope ma parámimbe kunowano. Kimoyó date? 23 Mande kondé yeteno. Nondo mira parámi karo simburí. Keto kira niriŋo, mira rondaŋero topé kunowano,” yaró.

24 Nunde yini pare keta ŋundo roto toŋero nimi ŋande oseseyaró, “Ná, qunoroteno ŋuro kimoyó date yewano?”

Yini mande topé ŋande yaró, “Meté ŋande kirayo. Jon, sono re-re uni ŋuro puŋi toŋoya kembé re mahe kunoní qeneweya kirayo,” yaró.

25 Yini rohoréŋoro khenŋeŋo uyaro wiri yerete uni ŋande miraró, “Itaka nanŋe Jon, sono re-re uni ŋuro puŋi toŋoya kembé kondómo re mahe nuno,” yaró.

26 Nunde yini Herotko newonde surumí parámi taró, quko uni o kopo nanŋurí ŋuro toŋeyemo

---

\*\*\* **6:21:** “kuma unindoro uni kembé” ŋunde qundo kuma uni 1,000 wiri yereyara. Rom koro wiri yerete uni parámi ŋundo Judia mira ŋuya wiri yereró. Asa ko eneŋo kuma uniyómbo Yerusalem ŋuno kunditero unipare sopo yereyanŋurí.



mande kondé kusiyoro rotowero mepémo kini. <sup>27</sup> Nunde nuro kuma uni ka nande miraró, “Uya Jon puńi tońoya kembé re mahe,” yini kusikusi yano uro puńi tońoro <sup>28</sup> kembé kondómo re mahero pare keta nu inoní re uyare nimí inaró. <sup>29</sup> Kowe Jon koro ińo-ińo rewero uniyó nundo o tunoqaró nuro ińoro mahero ukúńo rero tapuńańgurí. Sowo mande nunde nańge.

*Yesuko uni 5,000 o qoyembo ro yunaró  
(Matyu 14:13-21; Luk 9:10-17; Jon 6:1-13)*

<sup>30</sup> Asa asá yerewí uni nundo††† khoye ti kini tiní mahenńurí. Mahero Yesu koya koporo o soso tańgurí ko mande soso rondaqe yunańgurí nuro pińayó mirańgurí. <sup>31</sup> Nu naruko nuno unipare qambu naru rokóńo uyare mahe wuriri yerenńurí. Nunde tiqo, Yesu koya uni nuya o newero mepémo kini tańgurí. Nunde nuroko uniyó nande yimiraró, “Noremata uyareya mira uni kinimo nuno imaqato,” yaró.

<sup>32</sup> Nunde yero mira uni kinimo uyarewero wańgowore tońenńurí. <sup>33</sup> Toniqo, unipare yendé kutaqemo qu yiyo ińoro koporo khewore mira nuno khenńeńo uyaro taka yerenńurí. <sup>34</sup> Tukú Yesuko wańgo roto ro mahero unipare qambu nu yiyaró. Yiyoro nande ye inaró, “Unipare nu sipsip qembe mu sopo-sopoye moré kini tetenńo.” ††† Nunde yero ińoro sikíye te yunoro mande qambu rondaqe yunaró.

---

††† **6:30:** Uni nu Yesuko yorero asá yiriní yendéne–yendéne kho tańgurí. (Mak 6:7-13 weyo qembe.) ††† **6:34:** Mandimboro murí nuro Qambuye 27:17 koya Esekiel 34:5 weyo qembe.

<sup>35</sup> Yate suwo tiníqo, injo-injo rewero uniyómbó§§§ Yesu nãnde miranğurí, “Nore mira uni kinimo yorato suwo tete. <sup>36</sup> Unipare nã asá yereka meté yendéne-yendéne o qoyemboro kimowero tonji.”

<sup>37</sup> Nũnde yiğo, nãnde yimiraró, “Yendo o qoyemboro yunoyi.”

Yini nãnde yanğurí, “Unipare qambu nũ o qoyemboro kimoyó parámi nanğe, denarius 200 peka! Nore mepémo kini,” yanğurí.

<sup>38</sup> Yi mande topé nãnde yaró, “Uya bret date yote ye qeni.”

Yini uro qenero rohoréğoro nãnde miranğurí, “Bret kandeka ko sono qare irisa nũnde yotiri,” yanğurí.

<sup>39</sup> Nũnde yiğo, nãnde yimiraró, “Unipare soso yika huru-huru enesó-enesó koporo komó sağano kunditi,” yaró. <sup>40</sup> Huru-huru nũko unipare kumi 100 ko kumi 50 nũnde ronda yere yoroti kunditanğurí. <sup>41</sup> Kunditiğo, Yesuko bret koya sono qare nũ siyoro samboko tonğetero o qoyemboro nũro Anutu yunğunanaró. Nũnde tero bret rondaqero, sono qare rondaqero, injo-injo rewero uniyó yunoní se unipare yunanğurí. <sup>42</sup> Se yunoyi ni qahuye tinditaró. <sup>43</sup> Ni kini tini bret sombé-sombé nũya sono qare sombé-sombé nũ se tonğo kome punğe tomó ta-ta khe sanğyoro

---

§§§ **6:35:** “injo-injo rewero uni” nũndo Yesu koya uyaro injo-injo rondaqe yunoyaró.

irisa n̄unde siriyaᅇguri. <sup>44</sup> Asa ᅇu naruko ᅇuno uni 5,000 n̄undiro o naᅇguri.\*

*Yesuko sono saᅇano khete uyaró  
(Matyu 14:22-23; Jon 6:16-21)*

<sup>45</sup> Asa waka ta Yesuko iᅇo-iᅇo rewero uniyó† yimironí waᅇgowore sono towo andusina Betisaita yendémo uyari unipare qambu ᅇu “Ye ton̄i,” yimiraró. <sup>46</sup> N̄unde yimitoro yorotoro enemata purímo oro hariri teyaró. <sup>47</sup> Teyoní suwo tiníqo, iᅇo-iᅇo rewero uniyó ᅇundo waᅇgowore sono towo karóᅇoro keweroko naᅇge yuri Yesu enemata nokono yaró.‡

<sup>48</sup> Yate-yate suwo keweroko horé sono towoko matú parámi mahero waᅇgo ᅇu kikiᅇoní tesagaᅇo sono kiriyoro uyarewero rukusuwaᅇguri. Saraᅇowero teyoní Yesu sono towo saᅇawore khete-khete maheró. Mahero, waᅇgo takawero, ye iᅇaró. <sup>49</sup> Quko sono saᅇano khetiníqo, qenero ᅇande ye iᅇaᅇguri, “ᅇu kapo ka,” ye iᅇoro kiweyaᅇguri. <sup>50</sup> Dokoro uni soso ᅇundo qenero sasaro parámi taᅇguri.

Quko waka ta enendo neko yerero ᅇande yaró, “Newondeye kondé yoní. Ma sorewero. ᅇako no.” <sup>51</sup> N̄unde yero waᅇgo saᅇano oní, matú parámi ᅇu imaqaᅇo. Imaᅇiní newondeye

---

\* **6:44:** Asa urumuni ᅇuro qambuye muko 5,000, ᅇundiro naᅇge uni, pare, simóye soso ᅇuro qambuye muko parámi horé, 20,000 peka. † **6:45:** “iᅇo-iᅇo rewero uni” ᅇundo Yesu koya uyaro iᅇo-iᅇo rondaᅇe yunoyaró. ‡ **6:47:** “Galili Sono Towo” ᅇuko parámi ta. Tapésinaᅇgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9.

uraró. <sup>52</sup> Dokoro, komo enendo unipare qambu o qoyembo yunaró ηuro murí kama inoyi ton-danini newondeye kusiyaró.

*Yesuko se khumo uni qambu Genesaret ηuno yorini meté tanğuri*  
(Matyu 14:34-36)

<sup>53</sup> Asa Galili Sono Towo ηu karóηoro tapémo, mira Genesaret ηuno, waηgo kusiyanguri. <sup>54</sup> Uyaro waηgo rotoro mahi unipareto Yesu qene inanguri. <sup>55</sup> Nunde tero mira soso ηuno khengeηo uyare mahanguri. Yesu yendé kano yote, yi inoroqo se khumo uni pitikiwore yore koro yerero ηuno uyarenguri. <sup>56</sup> Asa Yesuko yendéne-yendéne uyaró quno ηuno topoyembo se khumo uni ηu yorero yendémo ηuno yorotanguri. Yoroti Yesu mahini ηande kirayanguri, “Meté tuwike toworo meté tewano,” yanguri. Ko towanguri muko meté tanğuri.

## 7

*Anutu koro hutuηo mande ηundo usisambatoro hutuηo mandeye takate*  
(Matyu 15:1-9)

<sup>1</sup> Naru kano Farisi unindoya\* hutuηo mande ηuro ino-ino uni kumimboya† Yerusalem yendé rotoro Yesuko unğuri. <sup>2</sup> Uro Yesu koro ino-ino rewero uniyó‡ yiyoyi kandeye Anutu tonjimo

---

\* **7:1:** “Farisi uni” ηundo, nore Anutu koro hutuηo mande ηuro okeyá ta howeyoteto, ye inanguri. † **7:1:** “hutuηo mande ηuro ino-ino uni” ηundo Anutu koro mande ηu unipare rondage yunoyanguri. ‡ **7:2:** “ino-ino rewero uni” ηundo Yesu koya uyaro ino-ino rondage yunoyaró.

pusú tiní o qoyembo neyangurí. (Nuro murí muko nandiro, kandeye kama sonoworo neyangurí.) <sup>3</sup> Qeni, Farisi unindoya Juda unipare soso nyua usisambapukoyembo hutuño mandeye howero sono tomó tapo kandeyemo kama kuriyoroqo o kama neyanggo. <sup>4</sup> Ko o newero qu maketino kimoro kama sonoworoqo kama neyangurí. Hutuño mande qambu nunde qu howero kusí, kondó ko yakutí etewero qu nyua soso sonowoyango. §

<sup>5</sup> Asa Farisi unindoya hutuño mande nuro ino-ino unindoya Yesu nande oseseyangurí, “Do karo keño ino-ino rewero unikepo kandeye Anutu tonjimo pusú tiní bret kinange neyotengo? Nunde tero usisambananimbo hutuño mandeye nyu wendaqeyotengo,” yangurí.

<sup>6</sup> Nunde yiqo, nande yimiraró, “Komo suki Aisaiako ye mangoye irisa nuro hamó ye-ye mande ka nande nakayangaró,

“Unipare njako mangoyembo ará te nunoyotengo,

quko newondeye muko piyimi horé teyote.

<sup>7</sup> Enendo unindoro hutuño mandeye nange rondaqe yunoro

potoruku kota qu re nunoyotengo.’

---

§ 7:4: Komo suki Anutuko hutuño mande nyu Moses inoní Israel unipare yunaró. Yate-yate enejo usi-siye hutuño mande horé nyu gene inoro hutuño mande kanjua sowe tangurí. Asa Yesu koro naruyómo nyuno Juda unindo nande ye inyangurí, ko hutuño mande soso nunde qu wimbí moré.

<sup>8</sup> Njunde nakayáñoní asa yendo Anutu koro mande kondé ñu rotoro unindoro hutuño mande qu howeyotenjo.

<sup>9</sup> “Ye Anutu koro mande kondé ñu rotoro yeño muríye howeyotenjo. <sup>10</sup> Dokoro Mosesko ñande yaró, ‘Awa-náñgeporo ará te yuno qembe,’ \*\* ko, ‘Uni kato iwí-nimí yesará yereweya ñu urika khumoní,’ †† yaró. <sup>11</sup> Quko yendo ñande yeyotenjo, ko uni kato ñande yeweya, ‘Awa-náme, no samaka yerewano, quko komo o yunowano quro “Koripan” yanowó. Asa ko no yunowero mepémo kini.’ (Asa “Koripan” ñuro murí muko ñandiro, “Anutu inowano nanje.”) <sup>12</sup> Njunde yeweya tiníqo, yendo uni ñu iwí-nimí samaka yerewero soréñoyotenjo. <sup>13</sup> Ye Anutu koro mande ñu rotoro yeño hutuño mande qu howeyotenjo. Ko o qambu njunde qu ñuya teyotenjo.”

*Do ka uni riní Anutu tonjimo pusú teweya?  
(Matyu 15:10-20)*

<sup>14</sup> Yesuko njunde yero unipare qambu ñu neko yerero ñande yimiraró, “Ye soso injika tondañiní. <sup>15</sup> Oka kato uni quroko uyote qundo uni ñu riní Anutu tonjimo pusú tewero mepémo kini.†† Kini.

---

\*\* **7:10:** Tonjengurí 20:12; Hutuño Mande 5:16    †† **7:10:** Tonjengurí 21:17; O Qa-qa Uni 20:9    †† **7:15:** Anutu koro sokomeko ñande yaró, ko o kate-kate Anutu tonjimo pusú yora, ko uni ka murí kate-kate taró qundo pusú tunoqaró. Asa ko Juda unindo ñande yanqurí, ko uni ka murí pusú njunde qu tarómbe ma o pusú ka towaró qundo Anutuko kutaqe ñuno uyarewero mepémo kini. Koretero enendo o qa-qa tero sara tunoqeroqota kutaqe ñuno meté uyareweya.

Oka newondí quro konḡo areyote ḡundo ta Anutu tonḡímo uni ḡu riní pusú teyote.” <sup>16</sup> (-)§§

<sup>17</sup> ḡunde yero unipare ḡambu yorotoro yano oro inḡo-inḡo rewero uniyómbó mande ḡuro murímboro oseseyanḡurí. <sup>18</sup> Yiḡo, ḡande osese yereró, “Do ka? Ye ḡuya kama inḡoyi tondanḡeyote, peka? O soso uni quroko uyote ḡundo Anutu tonḡímo uni kama riní pusú teyote. <sup>19</sup> Dokoro uni ka o niníḡo, newondímo kama uyote. Kini. Qahímo nanḡe uro, yate ḡosimbino uyote.” (Yesuko mande yaró ḡuwore o soso ḡuro, “O meté newero qu,” yaró.)

<sup>20</sup> Asa ḡunde yero ḡande yaró, “O piyimi uni newondeye moḡḡo areyote ḡundo ta uni ḡu yoriní Anutu tonḡímo pusú teyotenḡo. <sup>21</sup> Dokoro o piyimi ḡande qu newondeye moḡḡo areyote: inḡo-inḡo piyimi, se simbururu tewero murí, momo tewero murí, uni yurowero murí, <sup>22</sup> meyowomboro parímboya etewero murí, wondo situwi rewero murí, o piyimi nanḡe tewero murí, uni kaná yerewero murí, otete piyimi ḡuro kowi piyo kama tewero murí, unindoro ononḡoyó ḡuro piyiminḡowero murí, yesará yerewero murí, mira windu-windu tewero murí, kape-kape tewero murí. <sup>23</sup> ḡundo ta uni newondeye quro konḡo areyote ḡundoko uni ḡu yoriní Anutu tonḡímo pusú teyotenḡo.”

---

§§ 7:16: Komo suki Makiko mande soso ḡa nakayánḡaró, ko imemoḡḡo uni meyowo peka mande kanḡuya ḡano sowe taró. Mande ḡuko ḡandiro: 16 “Ye soso inḡo-inḡoye moré tiníḡo, mande ḡa inji.”

*Ponisia pare kato mande meté yaró  
(Matyu 15:21-28)*

<sup>24</sup> Asa Yesuko mira ñu roto toñero mira kutage ñu, owí Tair,<sup>\*\*\*</sup> ñuno uyaró. Uyaro sóqero imaḡewe yero ya kano oró. Quko sóḡewero mepémo kini. <sup>25-26</sup> Pare kato Yesu mahete yi inoro waka ta ñuno uyaró. Pare ñuko Grik pare ka, Ponisia mira ñu nonḡo qu. Komo, yuḡa pusú kato nambuní quroko uró. Nunde ñuroko pare ñundo mahero nokono potoruku re inoro ñande kirayaró, “Metémbe yuḡa piyimi nambonemo yote ñu howi toñeweyá?” yaró.

<sup>27</sup> Yiní Yesuko ñande miraró, “Koretero simó o qoyembo ni qahuye tinditeweya. Uni kato o qoyembo ñu supiyoro opiño simó yunoyote, ñuko piyimi,” yaró.

<sup>28</sup> Yiní mande topé ñande yaró, “Awa, simó ñu o nero kimboñero roti umbuní opiñombo newaḡo,” yaró.

<sup>29</sup> Yiní ñande yaró, “Keto mande meté yete. Nunde ñuroko yuḡa piyimi ñu namboke moḡo roto toñete.”

<sup>30</sup> Nunde yiní yano toñero nambuní qeniní yuḡa piyimi ñu roto toñiní imaḡero etaró.

*Yesuko uni ka maḡó, kusumbí piyimi mu rini meté taró*

<sup>31</sup> Asa Tair mira roto toñero Saiton mirawore<sup>†††</sup> uyaro Galili Sono Towo tapéwore uro Dekapolis

---

<sup>\*\*\*</sup> **7:24:** “Tair” ñuko kape unindoro yendéye, Juda koro miraye sumeyoro windi tapémo ñuno yora. <sup>†††</sup> **7:31:** “Tair koya Saiton” ñuko kape unindoro yendéye, Juda koro miraye sumeyoro windi tapémo ñuno yorariyó.



mirako<sup>†††</sup> ηuno uyaro. <sup>32</sup> Uyariní unipareto uni ka kusumbí tuwo ko mande meté kama yeyara qu re Yesuko mahengurí. Mahero, “Uni ηambe meté ri meté teweya?” yero kirayangurí.

<sup>33</sup> Nunde yi Yesuko uni ηu rero songa woso uyaro kandí pusirí re kusumbímo sangaworo, tute tero, uni ηuro mipímo raró. <sup>34</sup> Rero samboko tonetero newonde surumí tero yuqa ranoro ηande yaró, “Epata.” (Mande ηu, “Epata,” ηuro murí muko ηandiro, “Koso.”) <sup>35</sup> Waka ta kusumbí hiyóqaró. Ko maηgó taηo tiní mande meté yaró.

<sup>36</sup> Nunde tiní Yesuko mande kondé unipare ηande yimiraró, “Naro ma yewero,” yaró. Nunde watí yeyaró, quko wendaqero yendé kano-kano o ηuro yesowo yimitoyangurí. <sup>37</sup> Nunde yimitoyurigo, unipareto inoro kondé yukuwoní epe mito-mito tangurí, “Yesuko o soso meté teyote. Asa ηundiro uni kusumboye tuwo mu yoriní kusumboye hiyóqeyote. Ko uni maηgoye kakayiwí mu yoriní mande meté yeyotenjo.”

## 8

### *Yesuko uni 4,000 o qoyembo yunaró (Matyu 15:32-39)*

<sup>1</sup> Nu naruko ηuno unipare qambu pitu ko Yesuko mahero kopangurí. Quko o qoyembo newero qu moré kini. Nunde ηuroko Yesuko

---

<sup>†††</sup> **7:31:** “Dekapolis mira” ηuko kape unindoya Juda uniparetoya mirako ηuno kunditeyangurí, ko Herot koro nanuní Filipko sopo yereró. Owé murí muko ηandiro: Yendé Parámi mu Kande Iriisa.

injo-injo rewero uniyó\* neko yerero nande yaró,  
 2 “No unipare qambu naro sikiye teteno. Enendo kosa naru kapusa noya nana yotoro o qoyembo kumoyotenjo. 3 Ko, ‘Yano tonji,’ yero asá yere-wano tiníqo, kheko wimbuye kini teweya, peka. Dokoro kumimbo yaye sewemo nanje.”

4 Njunde yini mande topé nande yanjuri,  
 “Uni kato unipare qambu nande qu mira uni kinimo nandiro quno njuno date o qoyembo yunoweya?”

5 Yiqo, nande osese yereró, “Yendo bret date towotenjo?”

Yini nande yanjuri, “Bret kande sanjoro irisa,”  
 yanjuri.

6 Asa Yesuko unipare yimironi nokono kunditanjuri. Kunditi bret kande sanjoro irisa nu siyoro Anutu yungunajoro rombonero injo-injo rewero uniyó se yunoni se unipare yunanjuri.

7 Njuya sono qare tomo ta-ta kumi siyoro Anutu yungunajoni unipare se yunanjuri. 8 Se yunoyi ni qahuye tinditaro. Tinditini sombe-sombe kumi yoni tonjo kome punje parami kande sanjoro irisa njunde sirijanuri. 9 Uni 4,000 njundiro o nanjuri.† Asa ni kini tini asa yirini tonjenjuri. 10 Asa yerero eneya, injo-injo rewero uniyomboya wanjo tomo ta quwore mira ka owi muko Dalamanuta njuno uyarenjuri.

---

\* **8:1:** “injo-injo rewero uni” njundo Yesu koya uyaro injo-injo rondaje yunoyaro. † **8:9:** Asa urumuni njuro qambuye muko 4,000, njundiro nanje uni, pare, simoye soso njuro qambuye muko parami horé, 16,000 peka.

*Farisi unindoro muríye muko piyimi  
(Matyu 16:1-12)*

11 Uyari Farisi uni<sup>†</sup> kumimbo mahero Yesu koya mandeto kuma tero towonjowero quro nhande yangurí, “Sambo koro rokó<sup>§</sup> ka teka nore qene inato, keko Anutu koro kho qu teyote.” 12 Nunde yiqo, newonde surumí tero yuqa ranjoro nhande yimiraró, “Do karo unipare itaka nokono yotenjo qundo rokó qenewero njuro ye inoyotenjo? Ye hamó yimiroteno, rokó ka kama tewano.” 13 Nunde yimitoro tonjoro wanjo tomó ta quwore Sono Towo karónjoro andusina uyarewero tonjengurí.

14 Wanjowore tonjengurí, guko uniyómbo bret koro kape tero kama siyangurí. Kini, bret kanata nanje ranjengurí. 15 Asa Yesuko mande kondé nhande yimiraró, “Qeni, Farisi koro yis ko Herot<sup>\*\*</sup> koro yis njuko rambaruru yereweya,” yaró.

16 Nunde yini epe mito-mito tero nhande yangurí,

---

<sup>†</sup> **8:11:** “Farisi uni” njuko unindoro huru-huru ka Israel mirako njuno yangurí. Enendo Anutu koro hutunjo mande njuro okeyá ta howero uniparetoro tonjeyemo owéye parámi tanjengurí. **§ 8:11:** “sambo koro rokó” njuro murí muko nhandiro: naru rokónjo Juda unindo Anutu koro owí hamó njukama ye nekanjengurí. Kini, mande meyowo rohoréjo yeyanjengurí. Nundiro, “sambo,” ye nekanjengurí. “Rokó” njuko o wimbí moré ka peka. **\*\* 8:15:** “Herot,” owí kako “Antipas,” njundo Galili mira sopo yereró, guko enendo Rom koro wiri yerete uni parámi kasirayómo yora. Wiri yerete uni parámi njundo owé parámi ka Herot inaró. Komo Herot koro iwímbo Juda unipare soso wiri yiriniqo, Mariako Yesu pisiyaró.

“Nore bret kape tato nuro yete,” yanğurí.††

17 Yiğo, iñoro ñande yimiraró, “Do murí karo bret koro kape taño nuro epe mito-mito teyotengo? Yembe watí kama iñoyi tondañete? Iño-iño ye muko kama hiyóqete? 18 Tonñeyembope kama qeneyotengo? Ko kusumboyembope kama iñoyotengo? O soso kape teyotengo, peka? 19 Qeni, komo nondo bret kandeka romboñero uni 5,000 yunowe ni bret sombé-sombé kumi yoní siriyoyi, tonño kome puñge datiro mañgoraró?”

Yini mande topé ñande yanğurí, “12 ñunde mañgoraró.”

20 Yi ñande osese yereró, “Kowe bret kande sanjyoro irisa rondaqe uni 4,000 yunowe ni bret sombé-sombé kumi yoní siriyoyi, tonño kome puñge parámi datiro mañgoraró?”

Yini mande topé ñande yanğurí, “Kande sanjyoro irisa mañgoraró.”

21 Yi ñande osese yereró, “Iñi tondañetepe ma kini?” yaró.

### *Yesuko uni ka toní piyimi mu riní meté taró*

22 Asa Yesu koya iño-iño rewero uniyómboya‡‡ uyareyate Betisaita yendémo ñuno uyarenğurí. Ñuno unipareto, uni ka toní piyimi mu Yesuko ronğaruwoweya, yero re mahenğurí. 23 Yesuko uni ñu kandímo toworo re yendé tapémo uyaro

---

†† **8:16:** Yesuko “yis” nuro yaró, ko pareto yis koya plaua, sono rohoréñoyi yis ñuko plaua riní koñini qayiğo, bret tunoqaró. Ñundiro nanqe iño-iño rewero uniyómbo “yis” iñoro, “bret” nuro yete, ye inañğurí. ‡‡ **8:22:** “iño-iño rewero uni” ñundo Yesu koya uyaro iño-iño rondaqe yunoyaró.

tonjimo tute tero pekajoro nhande oseseyaró, “Do ka qenete?”

<sup>24</sup> Nunde yiniqo, tonjetero nhande yaró, “Nondo uni kumi yiyoro te qembe tero uyare mahe teyotengo nu yiyoteno,” yaró.

<sup>25</sup> Yini naru kanuya Yesuko tonj pekajoni meté tonjetero tonj soso hiyoqaró. <sup>26</sup> Hiyóqini mande kondé nhande miraró, “Yano oyo yendémo ma umbuwero,” ye sorénaró.

*Pitako Yesu koro mande meté yaró  
(Matyu 16:13-20; Luk 9:18-21)*

<sup>27</sup> Tuku Yesu koya injo-injo rewero uniyómboya§§ Sisaria Filipai yendé sumeyoro yendé tomó-tomó nuno onguri. Oro kheko nhande osese yereró, “Unipareto, no dani, yero yeyotengo?”

<sup>28</sup> Yini nhande yimiranguri, “Kumimbo keko sono re-re uni nu, Jon, yeyotengo. Kowe kumimboko, Elaija,<sup>\*\*\*</sup> yeyotengo. Kowe kumimboko, ye-ye uni††† meyowo ka, yeyotengo.”

<sup>29</sup> Nunde yiqo, nhande osese yereró, “Ko yenjomboko, nenemboro date yeyotengo?” Nunde

---

§§ 8:27: “injo-injo rewero uni” nundo Yesu koya uyaro injo-injo rondage yunoyaró. <sup>\*\*\*</sup> 8:28: “Elaija” nuko Anutu koro ye-ye uni komo qu ka, komo suki kama khumoní Anutuko kina rini samboko oró (2 Wiri yerete Uni 2:11 weyo qembe). Malakai 4:5-6 nhande yete, ko Elaija pitu ko mahero o ka ronggaruwonikata Anutuko unipare soso ronda yereweya. ††† 8:28: “ye-ye uni” nuko Anutuko mandí yunoni unipare yunanguri.

yini Pitako mande topé ñande yaró, “Keko Kristo<sup>†††</sup> ñu,” yaró.

<sup>30</sup> Yiníqo, ñande yiyo yaró, “Uni ka neneño ma yimirowero,” yero soré yereró.

*Yesuko ene khumoro pitu ko otoqoweya ñuro yimiraró*

*(Matyu 16:21-28; Luk 9:22-27)*

<sup>31</sup> Asa Yesuko hurí rero mande ka rondage yunoro ñande yaró, “Unindoro Nañuní<sup>§§§</sup> kowe surumí parámi korowoní, uni kembé-kembéboya o qa-qa unindoro tapá unindoya hutuño mande ñuro ino-ino unindo\* ene huwóño uri khumoweya. Ko naru kapusayómo ñuno pitu ko otoqoweya.” <sup>32</sup> Nunde yero Yesuko mandí tunomo yaró. Yiníqo, Pitako Yesu tanjímo uyaro, “Nunde ma yewero,” ye qene yaró.

<sup>33</sup> Yini Yesuko rohoréño ino-ino rewero uniyó<sup>†</sup> yiyoro Pita ñande qene yaró, “Monimbu, ke tupunesina uyare! Ketope khene kusiowero yete. Keto Anutu ino-inoyó kama howete. Kini. Unindoro ino-inoye nanje howete.”

<sup>34</sup> Nunde yero unipare qambu ñu neko yerero ñande yimiraró, “Uni ka no nohoweweroqo, ene

---

<sup>†††</sup> **8:29:** “Kristo” - komo suki ye-ye unindo Anutuko uni ka rokóñoní mahero wiri yerete uni parámi horé tunoqoweya qu karo yanğurí. Juda unipareto uni maheweya ñu, “Kristo,” ma, “Mesaiya,” ye nekanğurí. Mande irisa ñuro murí muko “uni rokóñowí” nanje. **§§§ 8:31:** “Unindoro Nañuní” ñuko Yesu nanje.

\* **8:31:** Uni soso ñundo Juda koro huru-huru parámi ka, owí Sanedrin, tanğurí. Enendo Juda unipare ronda yereyanğurí.

<sup>†</sup> **8:33:** “ino-ino rewero uni” ñundo Yesu koya uyaro ino-ino rondage yunoyaró.

enejo re umburoqota, tipiririyó† re koroworo no nohowiní. <sup>35</sup> Dokoro dani kato enejo yoto-yotoyó kondé towowero ye injote qu, yoto-yotoyó ñu piyo teweya. Quko dani kato no injo nunoro miti mande§ koro injoro yoto-yotoyó rotoweya tiníqo, ene yoto-yotoyó ñu reweya. <sup>36</sup> Asa qeni, ko uni ka noko koro o soso ñu reweya, quko ene piyo tero kini teweya, asa o soso ñundo date samakanjoweya. <sup>37</sup> Uni kato khumoro o ñunde quwore yoto-yoto suki-suki meté kimo teweyape ma kini? <sup>38</sup> Uni kato itaka ñano, naru piyimi ñano, nenemborope ma mandenemboro kowi piyo teweya quko, asa tukú Unindoro Nanuní ñundo iwímboro sine parámimo sambo simó surumí ñuya mahewanjo quno ñuno uni ñunde qu kowi piyo teweya.”

## 9

<sup>1</sup> Ñunde yero ñande yimiraró, “Mande hamó yeteno. Uni kumi ñano kanjetenjo qundo kama khumoyuri Anutuko unipareyó wiri yereyote naruyó\* ñundo wimbu parámi tero maheweya ñu qenewanjo.”

---

† **8:34:** “tipiriri” ñunde quko tatá surunjo nokono ranoro piño papare ka koreko kusiyoro uni ñuno porowoyanjurí. Naru rokógoro uni tipiririko ñuno khumoweya ñuko papareyó re koroworo khumowero quro mirayómo ñuno uyarenjurí. § **8:35:** “miti mande” ñuko Anutuko Kristo asáñoní khumoro quhurínanimboro kimo tiní Anutu koya newonde kanata tewero ñuro mande meté mu nanje. \* **9:1:** “Anutuko unipareyó wiri yereyote naruyómo” ñuno injondutu unipareko hamó Anutu kusunjoyómo yowanjo.

*Yesu kowí rohoréño enesó taró*  
*(Matyu 17:1-13; Luk 9:28-36)*

<sup>2</sup> Tukú, naru kande sanjyoro kanata nunde rotoro Yesuko Pita, Jems, Jon yorero enemata mira purímo ongurí. Tonjeyemo nuno Yesu kiraró enesó horé taró. <sup>3</sup> Tero tuwiyó tindenjiwí tero sara-sara meté horé tunoqaró. Nokono nuno uni kato tuwi riní sara nunde qu tunoqewero mepémo kini. <sup>4</sup> Asa Elaija koya Moses koya† nuno tunoqiri yiyoyi Yesu koya mande tanjurí.

<sup>5</sup> Nunde ti Pitako Yesu nande miraró, “Rapi,‡ noya topo-toponemboya nuno yoteto, nuko meté. Asa ko yamaru kapusa rewato: ka kenjo qu, ka Moses koro, ka Elaija koro.” <sup>6</sup> Nunde yaró, quko mandí murí nuro kama inoní tondanaró. Dokoro sasaro parámi tanjurí.

<sup>7</sup> Asa koporéko uni pará-pará nu poka yiriní koporé quro konjo mande ka nande yaró, “Nuko neneño nanone, eneño surumí inoyoteno. Manjó howeyuri qembe.”

<sup>8</sup> Nunde yiníqo, waka ta tonjetero uni pará-pará irisa nu kama yiyanjurí. Yesu nanje nuno qeneñgurí.

<sup>9</sup> Asa mira purí rotoro umbuyate Yesuko kondé nande yimiraró, “O qenetenjo nuro unipare ma

---

† **9:4:** Komo suki “Mosesko” Israel unipare yorero Isip mira rotoro eneño mirayemo nuno uyareñgurí. Nu naruko nuno Anutuko Moses hutujo mande inoní unipare yunaró. Imemonjo ta “Elaijako” Anutu koro ye-ye uni parámi taró. Komoko uni irisa nundo Yesu kama tunoqeyoní khumariyó. ‡ **9:5:** “Rapi” nuro murí muko nandiro, “Rondaqe-rondaqe Uni.”



yimirowero. Imemoŋgo Unindoro Nanuní§ uni tapu koŋgo otoqoníqota meté yimiroyi qembe,” yaró. <sup>10</sup> Imemoŋgo yate mandí kama wendaqanġurí. Quko epe mito-mito tanġurí, “Nju ‘uni tapu koŋgo otoqoweya,’ ŋu do ka?”

<sup>11</sup> Asa umbuyate ŋande oseseyanġurí, “Do murí karo hutuŋo mande ŋuro iŋo-iŋo unindo\*\* ŋande yeyotenġo, ‘Koretero, Elaija ŋuko korete maheweya?’ ”

<sup>12</sup> Yi ŋande yimiraró, “Hamó, koretero Elaija mahero o soso piyo taró mu roŋgaruwote.†† Quko ye date iŋotenġo, do murí karo Anutu koro mande ŋande yete, ko Unindoro Nanuní o quhurí parámi riní unipare huwóŋowanġo?‡‡ <sup>13</sup> Njunde quko ŋande yimiroteno, koma Elaija pitu ko maheró. Mahiní unindo eneŋo iŋo-iŋoye howero murí piyimi te inaŋurí. O tunoqaró ŋuro uni kato Anutu koro sokome quno ŋuno nakayaŋaró.” §§

*Yesuko yuqa piyimi simó quroko qu howiní tonġeró*

*(Matyu 17:14-21; Luk 9:37-43)*

<sup>14</sup> Asa mira purí rotoro umbuyiqo, amuno ŋuno unipare qambu iŋo-iŋo rewero uni kumi\*\*\*\*

---

§ 9:9: “Unindoro Nanuní” ŋuko Yesu nanġe. \*\* 9:11: “hutuŋo mande ŋuro iŋo-iŋo uni” ŋundo Anutu koro mande ŋu unipare rondaqe yunoyanġurí. †† 9:12: Malakai 4:5-6 weyo qembe. ‡‡ 9:12: Aisaia 53:3 weyo qembe. §§ 9:13: Yesuko Jon, sono re-re uni ŋuro yaró. Jonko Yesu koro kheyó roŋgaruwoní uroyi khumaró. \*\*\* 9:14: “iŋo-iŋo rewero uni” ŋundo Yesu koya uyaro iŋo-iŋo rondaqe yunoyaró.



woní nokono umburo keré-keré tero sinjworere ka umburó.

<sup>21</sup> Njunde tiní Yesuko iwí ñande oseseyaró, “Naru datiro ñunde teyote?”

Yiní ñande yaró, “Simó tomó ta quño teyate.  
<sup>22</sup> Naru kumimo yuqa piyimi ñundo rambaruruwowero quro re nombono rañoyara ko sonono ñuya rañoyara. Quko ke wimbuke moré tiníqo, sikínani te nunoya nore samaka nere.”

<sup>23</sup> Njunde yiní ñande yaró, “Wimbune ñuro yete. Asa uni kato ñondutu kondé tiníqo, o meté soso tunoqeweya.”

<sup>24</sup> Asa simó ñuro iwímbo kondé ñande yaró, “Ñondutu hamó teteno! Quko ñondutune kondé kini, ime. Enina, samaka nere.”

<sup>25</sup> Njunde yiní Yesuko unipare qambu khengeño mahengurí ñuro yiyo ñoro yuqa pusú ñu ñande qene yaró, “Ke mañgó piyimi kusumbí piyimi quro yuqa, ke ñande kimiroteno, simó ña roto toñeya naru kano ñu quroko ñuno ma uwero.”

<sup>26</sup> Njunde yiníqo, simó ñu kondé kiwero khe kandí yukuwoní yuqa piyimi ñu roto toñeró. Toñiní umburo khumo inaró. Khumo inoní unipare qenero, “Khumote,” yanğurí. <sup>27</sup> Quko Yesuko kandí toworo hokoní otoqo kañaró.

<sup>28</sup> Tukú enemata yano oro ño-ño rewero uniyómbo Yesu ñande oseseyanğurí, “Date koro norendo yuqa piyimi ñu howewero mepémo kini?”

<sup>29</sup> Yiqo, ñande yaró, “Yendo hariripo nanje yuqa ñunde qu howewanğo,” yaró.

*Yesuko ene khumoro otoqoweya nuro pitu ko yaró*

*(Matyu 17:22-23; Luk 9:43-45)*

<sup>30</sup> Asa Yesuko n̄u non̄go uro unipareto niy-owango yero enemata Galili Sono Towo tapémo uyarengurí. <sup>31</sup> Dokoro mande ka in̄o-in̄o rewero uniyó rondage yunoro n̄ande yeyaró, “Kumimbo Unindoro Nan̄uní\* re san̄girí uni kandeyemo rotowe tetengo. Enendo uroyi khumoweya, guko naru kapusa kini tiníqo, otoqoweya.” <sup>32</sup> N̄unde yiníqo, mande n̄uro murí kama in̄oyi tondañaró. Ko murí n̄uro oseseyowero quro soran̄gurí.

*Uni parámi tewero quro murí nuro yaró*

*(Matyu 18:1-5; Luk 9:46-48)*

<sup>33-34</sup> Uyareyate in̄o-in̄o rewero unindo dani keweroyemo kato imemongo topé-topé taka yereweya n̄uro mandeto epe uto-uto tan̄gurí. Asa Kaperneam yendémo ya kano oro Yesuko n̄ande osese yereró, “Do murí karo kheko n̄uno mande kondé yero epe mito-mito tan̄go?” yaró. Quko mande topé kama yan̄gurí.

<sup>35</sup> Asa ko kunditero in̄o-in̄o rewero uni khe san̄jyoro irisa n̄u neko yerero n̄ande yimiraró, “Uní kato owé parámi rewero quro in̄ote tiníqo, koretero uní soso koro sunará simó teweya.”

<sup>36</sup> N̄unde yeroqo simó ta ka rero keweroyemo rero towo pisiyoro n̄ande yimiraró, <sup>37</sup> “Uní kato nenejo in̄oro simó ta ka n̄ande quya topo teweya n̄uko noya topo teweya. Uní noya topo teweya

---

\* **9:31:** “Unindoro Nan̄uní” n̄uko Yesu nan̄ge.

ηuko Awanembo asá nereró ηuya topo teweya. Dokoro Anutuko no asá nereró.”

*Uni ηambe uni sanjirí kape ma toponani ka?  
(Luk 9:49-50)*

<sup>38</sup> Asa Jonko ηande yaró, “Rondaqe-rondaqe uni, norendo uni ka owéngemo yuqa piyimi† yohowiní toņeņgurí ηu qenetowó. Uni ηu noreņo sowe-sowe qu kini. Ņuroko yuqa piyimi ma yohowewero, yero soréņatowó.”

<sup>39</sup> Ņunde yiniqo, Yesuko ηande yaró, “Ma soréņowero. Uni kato no owénemo o wimbí moré‡ ηundi ro teroqo waka ta owéne kama re umbuweya. <sup>40</sup> Dokoro uni noreya sanjirí kama te nunotēņgo ηuko noreņo toponani. <sup>41</sup> Uni kato kiyoro, keko Kristo§ ηuro uni ka, yero iņoro sono kiņo kunoweya guko, imemoņgo Anutuko puriņo ka uni ηu inoweya. Ņu hamó.

*Uni ka otete piyimimo ma wosowero  
(Matyu 18:6-9; Luk 17:1-2)*

<sup>42</sup> “Uni kato tomó ta qu ka no iņondutu nereyote qu\*\* wosoní o piyimi teweya tiniqo, unindo simó wosote ηu topé piyimi horé reweya. Meté koretero unindo wondo parámi ka eneņo puņímo kusiyoro re windi quroko raņi khumoroqota o

---

† **9:38:** “yuqa piyimi” ηuko sambo simó ηunde qembe, guko Anutu koro sanjirí tero unipare rowore yereyotēņgo. ‡ **9:39:** “o wimbí moré” ηuko o enesó-enesó tunoqiní Anutu koro wimbí ηunde tunomo yoweya. § **9:41:** “Kristo” ηuko Yesu nanqe, asa Anutuko rokóņoní mahero wiri yerete uni parámi horé tunoqaró ηu. \*\* **9:42:** “iņondutu” ηuko ηandiro, asa unipareto ηande kondé ye iņoyotēņgo, ko Anutuko meté sopo yereweya.

kama teweya. <sup>43</sup> Ko kandekapo kowosoní o piyimi teroqo kandeke toño raño qembe. Ke soñga ta ñunđiro piyo tero samboko oweya, ñuko meté. Koweke soso meté yotoro kandeke irisa-irisa yote quko kewá piyimimo†† ñuno rañoní uweya, ñuko piyimi horé. <sup>44</sup> (-)‡‡ <sup>45</sup> Ko khengepo kowosoní o piyimi teroqo khenge toño raño qembe. Ke soñga ta ñunđiro piyo tero samboko oweya, ñuko meté. Koweke soso meté yotoro khenge irisa-irisa yote quko kewá piyimimo ñuno rañoní uweya, ñuko piyimi horé. <sup>46</sup> (-)§§ <sup>47</sup> Ko toñengepo kowosoní o piyimi teroqo toñenge tumo raño qembe. Ke soñga ta ñunđiro piyo tero Anutuko unipareyó wiri yereyote naruyómo oweya, ñuko meté. Koweke soso meté yotoro toñenge irisa-irisa yote quko kewá piyimimo ñuno rañoní uweya, ñuko piyimi horé. <sup>48</sup> Ñuno

“‘naru suki-suki punipo unindoro koweye neyotenggo.  
Ko kewá ñuno naru suki-suki qaro kama khumoyote.’

---

†† **9:43:** “kewá piyimi” ñuko naru wenako ñuno quhurí unipareto topé piyimi rero kewáko ñuno naru suki-suki yoqaweya.

‡‡ **9:44:** Komo suki Makiko mande soso ña nakayáñaró, ko imemongo uni meyowo peka mande kanjuya ñano sowe taró. Mande ñuko ñandiro: 44 “Ñuno punipo uni koweye naru suki-suki neyotenggo. Ko kewá ñuno naru suki-suki qaro kama winzumoweya.”

§§ **9:46:** Komo suki Makiko mande soso ña nakayáñaró, ko imemongo uni meyowo peka mande kanjuya ñano sowe taró. Mande ñuko ñandiro: 46 “Ñuno punipo uni koweye naru suki-suki neyotenggo. Ko kewá ñuno naru suki-suki qaro kama winzumoweya.”

<sup>49</sup> Pare kato nembo re o newero qu sañano reyote. Njundiro nanje Anutuko kewá re unipare soso sañayemo reweya.

<sup>50</sup> “Nembo njuko o meté mu. Quko nembo njuro nunjuri nu kini tiníqo, khoyó kini teweya. Ye soso nembo njundiro nanje ti qembe. Newonde ime epe ino-ino ti qembe.”

## 10

*Parí, kami rotowero muri njuro yaró  
(Matyu 19:1-12; Luk 16:18)*

<sup>1</sup> Asa Yesuko mira nu rotoro Jotan Sono andusina Judia mirako uyaró. Njunde tiní unipare qambu soso pitu ko eneno kopoyanjuri. Kopoyi enejo muri howero mande rondaqe yunoyaró.

<sup>2</sup> Nu naruko njuno Farisi uni\* kumimbo mahero Yesu towonowero ndande oseseyanjuri, “Uni kato parí meté rotoweya njuko hutunjo mande wendaqeweyape ma kini?” yanjuri.

<sup>3</sup> Njunde yi ndande osese yereró, “Mosesko† sokomeko njuno osese njuro date nakayanjuró?” yaró.

<sup>4</sup> Yiní ndande yanjuri, “Mosesko ndande nakayanjuró, ko unindo sokome ka epe re-re tonowero qu nakayanjoro pare inoro howi toneweya,” ‡ yanjuri.

---

\* **10:2:** “Farisi uni” njuko unindoro huru-huru ka Israel mirako njuno yanjuri. Enendo Anutu koro hutunjo mande njuro okeyá ta howero uniparetoro toneyemo owéye parámi tanjuri. † **10:3:** Komo suki “Mosesko” uni parámi tero Israel unipare sopo yereró. Anutuko Sainai purímo hutunjo mande inoní mande nu rondaqe unipare yunaró. ‡ **10:4:** Hutunjo Mande 24:1-4

<sup>5</sup> Yiŋo, Yesuko ŋande yimiraró, “Yendo newond-eye kusiyoyotenŋo. Nunde ŋuroko mande kondé ŋunde qu nakayáŋaró. <sup>6</sup> Komo suki Anutuko o soso towaró quno enendo ‘urumuni kaya, pare kaya yondowaró.’ § <sup>7</sup> ‘Nunde ŋuroko uni iwí-nimí yorotoro parímboya womowari, <sup>8</sup> ko irisa ŋundo kowe kanata tewari.’ \*\* Asa Anutuko mande ŋunde yini kowe irisa kama yorari. Kini. Irisa ŋu kowe kanata tariyó. <sup>9</sup> Nunde ŋuroko Anutuko o irisa siyoro kopo yiriníŋo, ye ŋu ma usowowero.”

<sup>10</sup> Tukú yano oro iŋo-iŋo rewero uni ŋundo mandímboro murí ŋuro oseseyaŋgurí. <sup>11</sup> Nunde yi ŋande yimiraró, “Uni kato eneŋo parí rotoro pare meyowo rete, ŋuko se simbururu tete. <sup>12</sup> Ko pare kato kamí rotoro uni meyowo reweya, ŋuko se simbururu teyoweya.”

*Ye simó ta-ta qembe ti qembe  
(Matyu 19:13-15; Luk 18:15-17)*

<sup>13</sup> Asa unipareto simó ta-ta yorero Yesuko kandí kembayemo rewero quro eneno mahenŋurí. Quko iŋo-iŋo rewero uniyómbó†† yiyo yaŋgurí. <sup>14</sup> Nunde tiŋo, Yesuko yiyoro saŋgirí tero ŋande yaró, “Ye simó ta-ta tomó ta-ta ŋu yorotika nono mahe, ma soré yerewero. Dokoro Anutuko unipareyó wiri yereyote naruyó‡‡ ŋuko simó ŋunde quro na. <sup>15</sup> Nondo ye hamó yimiroteno, uni kato

---

§ **10:6:** Murí Tero 1:27    \*\* **10:8:** Murí Tero 2:24    †† **10:13:** “iŋo-iŋo rewero uni” ŋundo Yesu koya uyaro iŋo-iŋo rondaŋe yunoyaró.    ‡‡ **10:14:** “Anutuko unipareyó wiri yereyote naruyómo” ŋuno iŋondutu unipareko hamó Anutu kusunoyómo yowaŋgo.



simó qembe tero Anutuko unipareyó wiri yereyote naruyó ñuro kama metéñoweya tiniño, ñundo naru ñuro guroko ñuno kama oweya.”<sup>16</sup> Ñunde yeroqo simó ta-ta ñu yondowo pisi yerero kandí kembayemo rero puriño re yunaró.

*Onoño uni kato Yesu mande ka oseseyaró  
(Matyu 19:16-30; Luk 18:18-30)*

<sup>17</sup> Asa Yesu toñewero tiniño, uni kato waka ta khengeño mahe potoruku re inoro ñande oseseyaró, “Rondaqe-rondaqe uni meté, no date tero yoto-yoto suki-suki ñu rewanó?”

<sup>18</sup> Yiní ñande yaró, “Ke do karo, no meté, yero neko nerete? Anutu kanata ñu nanjeko meté. <sup>19</sup> Mande kondé enesó-enesó§§ ñu qene injomukote: uni ma yuri khumowero, se simbururu ma tewero, momo ma tewero, mande khono ñuno kota mande ma yewero, uni ka kanáñoro situwiyó ma rewero, awa-nánge ará te yuno qembe.” \*\*\*

<sup>20</sup> Yiní ñande yaró, “Rondaqe-rondaqe uni, nondo simó tomó ta quño hutuño mande soso ñu howeyate itaka uni parámi teteno,” yaró.

<sup>21</sup> Yiní kondé qenero newonde meté inoro ñande yaró, “O kanata ka yote. Keño situwi soso soweyoya mone ñu rondañe uni oye moré kini ñu yuno. Ke ñunde teroqo, o meté samboko reweya. Asa ñunde teya ke mahe nohowe.”

---

§§ **10:19:** “mande kondé enesó-enesó” ñuko hutuño mande nanje, komo suki Anutuko Sainai purímo Moses inoní Israel unipare yunaró. Mande ñuko Juda uniparetoro yoto-yotoye soso sopoyaró. \*\*\* **10:19:** Toñengurí 20:12-16; Hutuño Mande 5:16-20

22 Yiníqo, newonde surumí tero umu-kembé piyo tiní roto toŋeró, dokoro, ene ononjoyó qambu taró.

23 Asa toŋiní Yesuko iŋo-iŋo rewero uniyó††† yiyoro ŋande yimiraró, “Onoŋo unipare kato Anutuko unipareyó wiri yereyote naruyómo‡‡‡ ŋuno owero ŋuko taŋo kini, quhurí.”

24 Nunde yiníqo, newondeye yukuwaró. Quko Yesuko pitu ko ŋande yimiraró, “Simóne iŋi, naruyómo ŋuno owero ŋuko taŋo kini, quhurí.

25 Kamel kato tisi wituyówore uyarewero rukusuwoyote.¶¶¶ Nu hamó. Quko onoŋo uni kato Anutuko unipareyó wiri yereyote naruyómo ŋuno owero guro parámi horé rukusuwoyoteŋgo.”

26 Nunde yiníqo, kondé yukuworo epe mitomito taŋguri, “Nu hamó tiníqo, ŋu danimboko rambaruru takaweya?”

27 Yiŋo, kondé toŋetero ŋande yaró, “Unindoko tewero mepémo kini. Quko Anutuko kama rukusuwoyote. Enendo o soso meté teweya.”

28 Nunde yiní Pitako ŋande yaró, “Qeno, norendo onani soso rotoro ke kohowatowó.”

29 Yiní ŋande yaró, “Nondo mande hamó yeteno. Uni kato no owéne iŋoro miti mande\* iŋoro yayó, kumuní, kuwí, iwí, nimí, simó, khoyó

---

††† 10:23: “iŋo-iŋo rewero uni” ŋundo Yesu koya uyaro iŋo-iŋo rondage yunoyaró. ‡‡‡ 10:23: “Anutuko unipareyó wiri yereyote naruyómo” ŋuno iŋondutu unipareko hamó Anutu kusunjoyómo yowaŋgo. ¶¶¶ 10:25: “kamel” ŋuko númbowe parámi ka, ko tuwí tiŋiyowero tisi wituyó ŋuko tomó horé.

\* 10:29: “miti mande” ŋuko Anutuko Kristo asáŋoní khumoro quhurínanimboro kimo tiní Anutu koya newonde kanata tewero ŋuro mande meté mu naŋge.

ɲu rotoweya quko <sup>30</sup> itaka nanɣe o qambu ɲu siyoweya: ya, kumuní, kuwí, nimí, simó, khoyó siyoweya. Nɣuya unindo sanɣirí te inowaŋgo. Quko naru maheweya qunoko yoto-yoto suki-suki reweya. <sup>31</sup> Quko uni qambu itaka korete yoteŋgo, ɲuko tukú tewanɣo. Ko uni qambu itaka weŋa yoteŋgo, ɲuko koretewanɣo.”

*Yesuko eneɲo khumoro otoqoweya ɲuro pitu ko yimiraró*

*(Matyu 20:17-19; Luk 18:31-34)*

<sup>32</sup> Asa khewore Yerusalem yendémo onɣurí. Oro Yesuko koretero oní iɲo-iɲo rewero uni newondeye yukuwaró, ko unipare yohowanɣurí qu sasaro taŋgurí. Asa Yesuko iɲo-iɲo rewero uni 12 ɲu† yorerero o soso Yerusalem ɲuno tunoqeweya ɲuro naru kaɲuya yimiraró. <sup>33</sup> Yimitoro ɲande yaró, “Iɲoyi, itaka nore Yerusalem owé teteto. Ko unindo Unindoro Naɲuní‡ ɲu rero o qa-qa unin-doro tapá uni kandeyemo ko hutuɲo mande ɲuro iɲo-iɲo uni kandeyemo§ rotowanɣo. Nunde riqo, topé piyimi rero, uratoka khumoní, ye iɲoro uni wini meyowomboro kandeyemo re rotowanɣo. <sup>34</sup> Re rotoyi uni ɲundo rero huwó mande yero tuteworo utómbo haususuworo uri khumoweya. Uroyi khumoníqo, naru kapusa kini tiníqo, pitu ko otoqoweya.”

---

† **10:32:** “iɲo-iɲo rewero uni 12” ɲuko Yesu rokó yirini topé-topé horé tunoqanɣurí. ‡ **10:33:** “Unindoro Naɲuní” ɲuko Yesu nanɣe. § **10:33:** Uni soso ɲundo Juda koro huru-huru parámi ka, owí Sanedrin, taŋgurí. Enendo Juda unipare ronda yereyanɣurí.

*Jems koya Jon koya owé parámi rewero kirayariyó*

*(Matyu 20:20-28)*

<sup>35</sup> Asa yerepasa ŋu, Jems koya Jon koya, Sepeti simó irisa ŋundo, mahero Yesu ŋande kirayariyó, “Rondaqe-rondaqe uni, o karo ke kira kerewe tetero, guko keto nore o meté te nuno qembe.”

<sup>36</sup> Ŋunde yiri ŋande yaró, “Do ka te yunowero tewe kira neretiri?”

<sup>37</sup> Yiní mande topé ŋande yariyó, “Ŋako. Keto owé parámi rero uni parámi horé tunoqeweya quno metembe nore irisa ŋuya uni parámi tunoqewaro. Asa keko korete qu, nore kato owé irisayó qu reweya ko kato owé kapusayó qu reweya.”

<sup>38</sup> Yiri ŋande yaró, “Yariko kira ŋuro kama injori tondaŋete. Nondo o quhurí ka rewano ŋuko sono piyimi newano ŋunde qembe. O quhurí ŋu weyo nereweya. Yarimbeka o piyimi ŋu newaripe, quhurí kusunjojómo yowaripe?”

<sup>39</sup> Yiní mande topé ŋande yariyó, “Kini, nore irisa meté ŋundiro tewaro.”

Yiri ŋande yaró, “Hamó, sono ŋu newari. Ko quhurí ŋundo weyo yereweya. <sup>40</sup> Quko uni parámi tewari ŋuko nondo yunowero mepémo kini. Anutuko nanqe owé parámi irisa ŋu uni kumi yunoweya.”

<sup>41</sup> Asa injo-injo rewero uni kande irisa qundo yerepasa ŋu Yesu kirayariyó ŋuro injoro eneya sanjirí tanjuri. <sup>42</sup> Ŋunde tiqo, Yesuko neko yiriní mahiqo, ŋande yaró, “Ye inotenjo, ko uni wini meyowomboro sopo-sopoyembo piyimi sopo yereyotenjo. Kowe uni parámiyembo

eneñombo owé parámi rewero quro inoyotenjo. <sup>43</sup> Quko ye ñunde ma tewero. Kini, ye keweroye moñgo uni kato uni parámi tewero ye inoyote tiníño, sunará simó ñunde teweya. <sup>44</sup> Ko uni kato owé parámi rewero ye inoyote tiníño, uni soso koro kho simóye ñunde yoweya. <sup>45</sup> Dokoro Unindoro Nañuní\*\* ñundo unipareto eneño sunará tewero quro kama maheró. Kini, enendo unipareto sunará tewero maheró, ko yoto-yotoyó roto kimo yerewero†† quro maheró.”

*Yesuko uni ka toñí piyimi mu, owí Bar-Timeus, rini meté taró*  
(Matyu 20:29-34; Luk 18:35-43)

<sup>46</sup> Asa Yesu koya ino-ino rewero unindoya†† uyareyate Jeriko yendémo ñuno uyareñguri. Asa Jeriko roto Yerusalem oro unipare qambu ñuya oyi uni ka toñí kiré mu, owí Bar-Timeus, khe tapémo ñuno kunditero wondo koro unipare kira yereyara. (Owé ñu Bar-Timeus murí muko “Timeus nañuní.”) <sup>47</sup> Kunditeyoní unipareto ñande yañguri, “Yesu, Nasaret noñgo uni ñu, mahete,” yi inoro kiwero ñande watí-watí nekoyaró,

---

\*\* **10:45:** “Unindoro Nañuní” ñuko Yesu nanje. †† **10:45:** “kimowero” ñuro murí muko ñandiro: unipareto o piyimi kusunoyómo kusiyowí yotenjo. Ñundiro nanje Anutuko kimo tero yorini kina yowaño. †† **10:46:** “ino-ino rewero uni” ñundo Yesu koya uyaro ino-ino rondaqe yunoyaró.

“Yesu, Dewit koro nanjuni,§§ sikíne te nuno,” yeyaró.

48 Unipare kutaqe njundo qene yero njande yanguri, “Nunde roto!” yanguri. Quko kondé wati-wati nekoro njande yaró, “Dewit koro nanjuni, sikíne te nuno.”

49 Nunde wati-wati yeyoni Yesuko injoro kanjoro njande yimiraró, “Nekoyika mahini.” Yiníqo, unipareto uni toni kiré nu njande miranjuri, “Newondeke kondé yoni, otoqo. Yesuko neko kerete.” 50 Nunde miroyi kowe punu-punu piru qu\*\*\* rotoro otoqoro waka ta maheró.

51 Mahini Yesuko njande oseseyaró, “Nondo do ka te kunowano?” Yini mande topé njande yaró, “Raponi,††† tonjetero o qenewero ye injoteno,” yaró.

52 Yesuko njande miraró, “Meté u. Kenjo injondutukepo‡‡‡ korini meté tete.” Yiníqo, waka ta toni hiyoqini pitu ko tonjetero Yesu khewore howaró.

---

§§ 10:47: Komo suki “Dewitko” Juda unipare wiri yereró. Nu naruko njuno Anutuko Dewit njande miraró, imemonjo kenjo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso njundo Dewit koro nanjuni sopanjuri, ko uni njuro sopanjuri nu, “Mesaiya,” ma, “Kristo,” ye nekoyanjuri. \*\*\* 10:50: “kowe punu-punu piru” njunde qu unipareto kowe punu-punuye meyowo wehenoyanjuri. ††† 10:51: “Raponi” njuro muri muko njandiro, “Rondaqe-rondaqe Uni.” ‡‡‡ 10:52: “injondutu” njuko njandiro, asa unipareto njande kondé ye injoyotenjo, ko Anutuko meté sopo yereweya.

# 11

*Yesuko wiri yerete uni ηunde qembe Yerusalem ηuno oró*

*(Matyu 21:1-11; Luk 19:28-40; Jon 12:12-19)*

<sup>1</sup> Asa yate-yate Yesuko Yerusalem owero oró. Oro mira purí Oliv ηuno, asa Betipake yendé ko Betani yendé kutaqemo ηuno, iηo-iηo rewero uni irisa\* neko yerero <sup>2</sup> ηande yimiraró, “Yendé andusina ηuno uyareya dóki† simó ka kusiyangurí qu qenewari. Komo uni kato dókiko ηuno kama kunditaró. Asa utó orosoyero re mahiri. <sup>3</sup> Nunde tiri uni kato ηuro osese yiriníqo, ηande mirori qembe, ‘Uni Parámimbo ηuya kho ka teweya. Ko imemongo pitu ko re mahewaro.’”

<sup>4</sup> Yesuko ηunde yiníqo, yendémo uyaro dóki simó ηu ya kimbino mako sumeyoro kusiyaró mu qenero orosoyariyó. <sup>5</sup> Nunde tiriqo, uni ηuno kañangurí qundo ηande osese yereñgurí, “Do murí karo dóki simó ηu orosoyitiri?” <sup>6</sup> Yiqo, iηo-iηo rewero uni irisa ηundo Yesuko mande yimiraró ηu yimirori kama soré yereñgurí.

<sup>7</sup> Asa dóki simó ηu Yesuko re mahero tuwi piruyari se dóki sañano rero Yesu re ηuno rotorí kunditaró. <sup>8</sup> Unipare kumi tuwi piruye ηu wendañero se khewore ri, kumi te kambiní kome soso qu rondaqero khewore ranğurí. <sup>9</sup> Nunde tero kumi koretero uyari, kumi tukú uyaro soso mande parámi ηande yañğurí,

---

\* **11:1:** “iηo-iηo rewero uni” ηundo Yesu koya uyaro iηo-iηo rondaqe yunoyaró. † **11:2:** “dóki” ηuko númbowe parámi ta, hosi ηunde qembe uni kato meté sañano kunditiní uyareweya.

“Anutu owí hokoyi!”

“Uni Parámimboro owímo mahete njundo puriño riní!”

10 “Usinani Dewit<sup>†</sup> njuro sowe qundo nore wiri nereweya. Anutuko naru nu puriño te inoyote!”

“Anutu owí koreko horé hokoyi!”

11 Njundiro Yesuko Yerusalem oro Anutu koro Ya Surumímboro<sup>§</sup> yendémo njuno oro o soso njuno tonjetero qeneró. Qeniní suwo tiniño, roto tonjero iño-iño rewero uni khe sanjyoro irisa njuya Betani unjuri.

*Yesuko takuni ka yini te fik ka sanjano yora  
(Matyu 21:18-19)*

12 Asa ita sarañoní, Betani rotoro arero o qimboró khumaró. 13 Khumoro kewá fik ka komiri taró qu sewemo qenero, tanjuri moré peka, yero uyaró. Quko kutaqe uyare qeniní tanjuri ka njuno kama yora, komiri nanje. Dokoro naru njuko tanjuri rewero naruyó kini. 14 Asa qenero kewá nu njande miraró, “Imemonjo uni kato ke tanjuringe kama neweya,” yini iño-iño rewero uniyombo<sup>\*\*</sup> injanjuri.

---

<sup>†</sup> **11:10:** Komo suki “Dewitko” Juda unipare wiri yereró. Nu naruko njuno Anutuko Dewit njande miraró, imemonjo kenjo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). <sup>§</sup> **11:11:** “Ya Surumí” njuko Anutu koro ya qu, njunoko Juda unipareto Anutu koya huruwowero quro hu-hariri teyanjuri. <sup>\*\*</sup> **11:14:** “iño-iño rewero uni” njundo Yesu koya uyaro iño-iño rondaqe yunoyaró.



*Yesuko kimo rewero uni Ya Surumí mongo yohowaró*

*(Matyu 21:12-17; Luk 19:45-48; Jon 2:13-22)*

<sup>15</sup> Asa Yerusalem ηuno oro Ya Surumímboro†† ηuro hongo quroko oro uni soso mone rewero kho teyaŋgo ηuno qu‡‡ yohowaró. Yohowero uni moneye rohoréjoyaŋgo ηuro wasa-wasaye koya uni nú soweyaŋgo ηuro yakutiye soso se windoronaró. <sup>16</sup> Nuya uni kumimbo oka kina re koroworo Anutu koro Ya Surumímboro yendémo ηuno uyarewero quro soré yereró. <sup>17</sup> Nunde tero unipare soso ηande yimiraró, “Sokomeko ηuno ηande nakayáŋaró, ‘Neneŋo yane muko hariri koro ya qu.’ §§ Quko yendo ri ‘kuma tero momo teyoteŋgo unindoro ya qu teyote.’ ” \*\*\*

<sup>18</sup> Unipare qambu ηundo mandí iŋoro kondé yukuwaŋgurí. Nunde ηuroko o qa-qa unindoro tapá unindoya hutuŋo mande ηuro iŋo-iŋo unin-doya sasaro tero uri khumowero khe qu se-qayaŋgurí. <sup>19</sup> Asa suwo tiníqo, Yesu yendé roto toŋeró.

*Kewá takuni saŋanímo raró ηu qeneŋgurí*  
*(Matyu 21:20-22)*

---

†† **11:15:** “Ya Surumí” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaŋgurí. Hongo ka yendé parámi ta wuririyoro Ya Surumí keweroko ηuno yora. ‡‡ **11:15:** Nū naruko ηuno Juda uni mira kapiya mongo Ya Surumí ηuno mahero yambo hariri tero o qa-qa teyaŋgurí. Asa ko mone rewero uni kumi mira meyowomboro moneye ηu rohoréjoro Judia mira koro moneye teyaŋgurí, ko kumi nú-qare o qa-qa tewero quro soweyaŋgurí. §§ **11:17:** Aisaia 56:7  
\*\*\* **11:17:** Jeremaia 7:11

20 Ita sarañoní Yerusalem khewore uyareyate kewá fik††† ñu qenengurí. Ko kewá ñuko piyo tero asáqemukaró. 21 Qenero Pitako ñande miraró, “Rapi, keto kewá fik takuni sañanímó suwono ya, ñuko asáqete.”

22 Yiní mande topé ñande yaró, “Ñuro Anutu inondutuwoyi qembe. 23 Nondo hamó ye yimiroteno, uní kato mira purí ña, ‘Otoqo windi quroko u,’ ñunde yeweya, quko newonde irisa kama tero inoní hamó tiníqo, ñundiro tunoqeweya. 24 Ñunde ñuroko yendo, hariri tero oka rewato, yero inoro o ñu rewañgo. 25 Ko kañero hariri tewañgo quño ñuno uní karo newonde sañgirí ñu rotoya eneño quhuriye roto yunoyi qembe. Ñunde tiqo, awaye samboko yote ñundo, yeño quhuriye ñu se rotoweya.” 26 (-)†††

*Yesuko danimboro wimbímboro o soso ñu teyara?*

*(Matyu 21:23-27; Luk 20:1-8)*

27 Asa Yesu Yerusalem oro Ya Surumímboro§§§ honqo quroyómo kinañge uyaró. Uyariní o qa-qa

---

††† 11:20: “te fik” ñuro Mak 11:12-14 ameno weyo qembe.

††† 11:26: Injo-injo uní kumimbo, wini 26 ñuya yote, ñunde ye inoyotenggo. Wini ñuko ñande yete, “Quko keto uní karo newonde sañgirí kama roto tiqo, awañge samboko yorote ñundo keño quhuriñge kama se rotoweya.” Ko kumimboko ñande ye inoyotenggo, ko Makiko mande ñu kama nakayáñaró, tukú uní kato nakayáñaró. §§§ 11:27: “Ya Surumí” ñuko Anutu koro ya qu, ñunoko Juda unipareto Anutu koya huruwowero quro hu-hariri teyañgurí.

unindoro tapá unindoya hutuŋo mande ŋuro iŋo-iŋo unindoya uni kembé-kembéyemboya\* kopo mahero <sup>28</sup> ŋande oseseyanŋurí, “Do owé ka moré o soso ŋa mepémo teyote? Danimbo owé ŋu re kunaró?”

<sup>29</sup> Ŋunde yi ŋande yaró, “Nondo o karo osese yerewe teteno. Osese ŋuro mande topé yiqota do owé ka moré o soso ŋa mepémo teyoteno ŋuro yimirowano. <sup>30</sup> Jonko unipare sono re yunaró. Asa eneŋo kho qu tewero ŋuro owé ŋu, sambo koŋgo rarómbe ma uni noŋgo raró? Ye do ka yeteŋgo?”

<sup>31</sup> Ŋunde yini keweroyemo epe mito-mito ŋande tanŋurí, “Ko norendo, ‘Ŋuko sambo koro qu,’ yewato tiniŋo, ŋande osese nereweya, ‘Asa ye date koro mandí iŋoro iŋondutu† kama tanŋurí?’ yeweya. <sup>32</sup> Quko, ‘Owí ŋu uni kato inaró,’ yewero mepémo kini,” yanŋurí. (Unipare qambu ŋundo Jon ŋuro ŋande yanŋo, “Uni ŋuko ye-ye uni‡ hamó qu ka.” Ŋunde ŋuroko uni pará-parámbo Jon yesaráŋowero sasaro tanŋurí.)

<sup>33</sup> Asa ko mande topé ŋande yanŋurí, “Nore kama iŋoteto.”

Yiqo, ŋande yimiraró, “Asa ko no ŋuya da noŋgo owé ŋa rero o soso teyoteno ŋuro ye kama yimirowano.”

---

\* **11:27:** Uni soso ŋundo Juda koro huru-huru parámi ka, owí Sanedrin, tanŋurí. Enendo Juda unipare ronda yereyanŋurí.

† **11:31:** Ŋu iŋondutu ŋuko ŋandiro, asa unipareto mande ka iŋoro, ŋu hamó, ye iŋoro howewanŋo. ‡ **11:32:** “ye-ye uni” ŋuko Anutuko mandí yunoní unipare yunanŋurí.

## 12

*Kho unindo wain koro kho ka sopoyanğurí ñuro tapara mande qu*

*(Matyu 21:33-46; Luk 20:9-19)*

<sup>1</sup> Asa Yesuko tapara mande\* ka ñande yimiraró, “Naru kano uni kato wain kho ka tero honjo rero wuririyoro ñu quroko ñuno wain engémboro sonoyó rewero quro meré parámi ka sero rotoro ya piru kho qene sopoyowero qu ka towaró. Ñu soso toworó kho ñu rero kho sopo-sopo uni kumi kandeyemo rotoro† mira kapiyamo ñuno tojeró. <sup>2</sup> Yate-yate kho simburí ñundo engé kumi siyowero quro sunará simó ka ñuno asáñoní uyareró. <sup>3</sup> Ñuno uyariní sopo-sopo uni ñundo haususuwo howi kina tojeró. <sup>4</sup> Imemoñgo simburímbo sunará simó kañuya asáñoní uyariní utoro kembé usoworo o piyimi horé te inağurí. <sup>5</sup> Ñunde tero meyowo ñuya asáñoní uyariní kho sopo-sopo ñundo simó ñu haususuwoyi khumaró. Qambu asá yiriní uyariqota kumi urağurí, kumi wonğa yuroyi khumağurí.

<sup>6</sup> “Asa simburímbo nañuní surumí inoyara qu yora. Iwímbo ñande yaró, ‘Kho sopo-sopo ñundo nañone ñu ará te inowağgo.’ Ñunde yero naru weña quno nañuní asáñoní ñuno uyareró.

<sup>7</sup> “Quko kho sopo-sopo ñundo simó ñu qenero keweroyemo ñande yağurí, ‘Simó ñundo

---

\* **12:1:** “tapara mande” ñuko sowo mande nañge. Yesuko sowo mande ñunde qu yero oka witú yereró. † **12:1:** Kho simburímbo ñande ye inaró, ko uni ñundo kho sopro engé kumi simburí inoro kumi towowağgo.

iwímboro o soso ŋako imemonŋo siyoweya. Ura-toka khumoníka o ŋa soso norendo siyowato.’  
 8 Njunde yero simó ŋu rero uroyi khumoní re honŋo sumeyoro ranŋgurí.”

9 Yesuko ŋande osese yereró, “Inji, kho simburí ŋundo do ka teweya? Njandiro nanŋe, ene uyaro sopo-sopo uni ŋu rambaruru yerero wain koro kho ŋu uni meyowo yunoweya. 10 Yendo mande sokomeko ŋuno nakayáŋaró ŋu qenenŋurímbe ma kini? Mande ŋuko ŋandiro:

“Ya re-re unindo wondo ka rero piyimi, yero inoro re rotanŋgurí,  
 guko itakako wondo ŋundo ya soso riní kondérewero wondo ka tunoqete.

11 Uni Parámi enenŋombo o ŋu riní ŋunde tunoqiní genero niŋgu-niŋgu parámi teteto.’”

12 Yesuko ŋunde yiniqo, uni pará-parámbo inoro, enendo nore yesará nereyote, yero inomukanŋgurí. Njunde ŋuroko sanŋgirí tero urowero khe ka seqanŋgurí. Quko unipare qambu ŋuro sasaro tanŋgurí. Asa ko ene roto tonŋgurí.

*Juda unipareto Sisa takis inowero ŋuro yaró  
 (Matyu 22:15-22; Luk 20:20-26)*

13 Asa uni pará-parámbo, Yesu mande piyimi yini towowato, ye inoro Farisi† kumimboya Herot koro topé kumimboya§ asá yiri

---

† 12:13: “Farisi uni” ŋuko unindoro huru-huru ka Israel mirako ŋuno yanŋgurí. Enendo Anutu koro hutuŋo mande ŋuro okeyá ta howero uniparetoro tonŋyemo owéye parámi tanŋgurí. § 12:13: “Herot,” owí kako “Antipas,” ŋundo Galili mira sopo yereró.

mahenḡurí. <sup>14</sup> Mahero ḡande oseseyanḡurí, “Rondaḡe-rondaḡe uni, nore ḡande inoyoteto, ko keto uni karo owé morémbe ma kini ḡuro kama inoyote. Kini, Anutu koro kheyó hamó moḡo naḡe rondaḡe yunoyote. Nunde ḡuroko yeka inowato. Norendo Sisa\*\* takis re inowato ḡuko hutuḡo mande wendaḡeyotepe ma kini?”

<sup>15</sup> Nunde yiḡo, Yesuko eneḡo maḡoye iri-sawore yewero murí ḡu ḡene inoro mande topé ḡande yaró, “Ye date towo nereteḡo? Denarius†† ka re mahika ḡenewe.” <sup>16</sup> Nunde yiniḡo, ḡu re mahi ḡande osese yereró, “Wondo musiyó ḡano kapo-kapo ḡaya owí ḡako daniro ḡu?”

Yiniḡo, “Sisa koro ḡu,” yanḡurí.

<sup>17</sup> Ko Yesuko ḡande yimiraró, “O kumi Sisa koro ḡu, ḡu Sisa se inoyi ḡembe. Ko o kumi Anutu koro ḡu, ḡu Anutu se inoyi ḡembe.”

Nunde yiniḡo, inoro ene newondeye yukuwaró.

*Sadyusi unindo Yesu towonḡowero osese tanḡurí  
(Matyu 22:23-33; Luk 20:27-40)*

<sup>18</sup> Asa Sadyusi uni†† kumi mahenḡurí. Uni ḡundo ḡande yeyanḡurí, ko unipare khumanḡurí

---

\*\* **12:14:** “Sisa” ḡuko Rom koro wiri yerete uni parámi ḡu. Rom unindo mirane-mirane wini soso sopo yerero ene moḡo takis siyanḡurí. Juda uni kumimbo takis ḡuro hamó piyiminoyanḡurí, dokoro Sisa kasirayómo yowero ḡuro piyiminoyanḡurí. †† **12:15:** “denarius” ḡuko Rom koro wondo musiyó ka, asa Rom koro takis tewero wondo ḡu. †† **12:18:** “Sadyusi uni” ḡuko unindoro huru-huru ka Israel mirako ḡuno yanḡurí. Eneko wondo uni kumi owéye parámi tero unipare soso sopo yereyanḡurí.

qundo pitu ko kama otoqowaŋgo. Asa ma-hero Yesu ŋande oseseyaŋguri, <sup>19</sup> “Rondage-rondage uni, komo Mosesko§§ noreŋo mande ŋande nakayáŋaró, ‘Uni kato pare rero simó moré kini yate khumoníqo, eneŋo koneyómbó pare ŋu riní simó pisiyoníqota payómboro sowe qu tunoqiní.’ \*\*\* <sup>20</sup> Asa iŋo. Naru kano uni kato naŋo-simó kande saŋiyoro irisa pisi yereró. Simó korete ŋundo pare rero, yate-yate simóyari moré kini tero khumaró. <sup>21</sup> Khumoní simó irisayó ŋundo payómboro parí qu raró. Quko ene ŋuya simó moré kini khumaró. Khumoní simó kapusayó ŋuya ŋunde naŋge taró. <sup>22</sup> Ŋundiro naŋge simó kande saŋiyoro irisa ŋu soso pare ŋu rero simóye moré kini tero khumoyiqo, imemoŋgo pare ŋuya khumaró. <sup>23</sup> Asa yeka iŋowato, unipare khumaŋguri qundo pitu ko otoqowaŋgo quro naruyómo ŋuno, pare ŋu, danimboro yoweya? Dokoro uni kande saŋiyoro irisa qundo pare kanata ŋu raŋguri.”

<sup>24</sup> Ŋunde yiŋo, Yesuko ŋande yimiraró, “Yendo mande sokomeko ŋuno nakayáŋaŋguri ŋuya Anutu koro wimbí ŋuya kama iŋoyi tondaŋete. Ŋunde ŋuroko ye mande koroqe yeteŋgo. <sup>25</sup> Unipare khumaŋguri qundo uni tapu koŋgo pitu ko otoqowaŋgo quno ŋuno epe re-re kama tewango. Kini, eneko sambo simó††† ŋunde

---

§§ **12:19:** Komo suki “Mosesko” uni parámi tero Israel unipare sopo yereró. Anutuko Sainai purímo hutuŋo mande inoní mande ŋu rondage unipare yunaró. \*\*\* **12:19:** Hutuŋo Mande 25:5-6  
 ††† **12:25:** “sambo simó” ŋuko komo suki-suki Anutuko unipare kama yoriní tunoqi sambo simó yondowoní sunará teyoteŋgo.

qembe yowaŋgo. <sup>26</sup> Quko unipare khumaŋgurí qundo pitu ko otoqowaŋgo guro yeweka injoyi. Moses koro sokomeko ŋuno ŋande yaró, ko enepa nanje te kunzi qayara quno ŋuno kaŋini Anutuko te suru qayara ŋu nonjo ŋande miraró, ‘Nondo Abraham koro Anutuyó, Aisak koro Anutuyó, Yakop koro Anutuyó.’ <sup>27</sup> Asa qeni, Anutu ŋuko uni kindo khumaŋgurí ŋuro Anutuye kini. Uni yoto-yotoye moré ŋuro Anutuye.” ††† Yendo mande koroqe qu yeteŋgo.

*Hutuŋo mande parámi karo yaró  
(Matyu 22:34-40; Luk 10:25-28)*

<sup>28</sup> Asa Yesu koya Sadyusi unindoya epe mitomito teyoyiqo, hutuŋo mande ŋuro injo-injo uni§§§ kato injaró. Inoro Yesu koro mande topé ŋuro niŋgu-niŋgu tero ŋande oseseyaró, “Mande kondé enesó-enesó\* ŋuro osese kereteno. Mande kondé kato mande kondé enesó-enesó ŋu taka yereyotepe ma kini?”

<sup>29</sup> Yiní Yesuko mande topé ŋande yaró, “Iyo, ŋako. ‘Ye Israel inji, Uni Parámi, Anutunani ŋuko kanata na, enesó kama yote. <sup>30</sup> Keto Uni Parámi ŋu, Anutuke, newondekepo, yuqakepo, injo-injokepo, wimbukepo hamó surumí injo inoyoto qembe.’ † <sup>31</sup> Asa mande kondé irisayó ŋuko ŋandiro: ‘Keŋomboro injoyote ŋunde nanje

---

††† **12:27:**           §§§ **12:28:**   “hutuŋo mande ŋuro injo-injo uni” ŋundo Anutu koro mande ŋu unipare rondaqe yunoyaŋgurí.

\* **12:28:**   “mande kondé enesó-enesó” ŋuko hutuŋo mande nanje, koma suki Anutuko Sainai purímo Moses inoní Israel unipare yunaró. Mande ŋuko Juda uniparetoro yoto-yotoye soso sopoyaró. † **12:30:** Hutuŋo Mande 6:4,5



topokeporo nunde na inoyoto.’ † Mande kondé irisa nundo mande kondé enesó-enesó taka yerete.”

<sup>32</sup> Yiní nande yaró, “Rondaqe-rondaqe uni, hamó yete. Anutu nuko kanata na, enesó kama yote. <sup>33</sup> Kowe uni kato newondí, ino-inoyó, wimbí soso Anutu inoyote tiníqo, nu meté horé. Kowe enenomboro inoyote nunde nange topémboro inoyote nu meté horé. Hutunjo mande irisa nundo o meté horé mu, nuko o qa-qa qamukanqurí quya oka te inaqurí nuya soso taka yerete.”

<sup>34</sup> Nunde yiní Yesuko uni nuro inoní tondaqiní mande topé meté mu yiní nande miraró, “Keto Anutuko unipareyó wiri yereyote naruyómo§ waka ta owero tete.” Nunde yiníqo, uni meyowo wimbuye umbuní osese ka kama tanqurí.

*Kristo nuko Dewit koro nanunimbe ma kini?  
(Matyu 22:41-46; Luk 20:41-44)*

<sup>35</sup> Asa Yesuko Ya Surumímboro\*\* honjo quroyómo nuno mande rondaqe unipare yunoro nande yaró, “Do murí karo hutunjo mande nuro ino-ino uni nundo†† nande yeyotenjo, ‘Kristo

---

† **12:31:** O Qa-qa Uni 19:18 § **12:34:** “Anutuko unipareyó wiri yereyote naruyómo” nuno inondutu unipareko hamó Anutu kusunjoyómo yowanjo. \*\* **12:35:** “Ya Surumí” nuko Anutu koro ya qu, nunoko Juda unipareto Anutu koya huruwowero quro hu-hariri teyanqurí. †† **12:35:** “hutunjo mande nuro ino-ino uni” nundo Anutu koro mande nu unipare rondaqe yunoyanqurí.

ηuko Dewit koro nanjuni,' †† ηunde yeyotenjo?  
 36 Dewit enenjombo Yuqa Surumiwore ηande yete,

“Uni Parámi ηundo uni parámine ηu ηande miraró,  
 “Kandene kondésina kunditeka  
 nondo sanjirínge soso yorewe  
 keño kusujokemo yowanjo.” ’

37 Dewitko uni ηuro ‘Uni parámine,’ ηunde yaró.  
 Asa date tero uni ηuko Dewit koro nanjuni?”

Yesu ηunde yiniqo, unipare qambu kutaqe  
 yanjurí qundo injoro ninju-ninju tanjurí.

38 Asa Yesuko mande rondaqe yunoro ηande yaró,  
 “Hutuño mande ηuro ino-ino unindoro murí piyimiye ma howewero. Uni ηundo owéye hokowero injoyotenjo. Asa ko tuwiye sara-sara piru sanja qu punuwo ro maketino uyare mahe teyotenjo, ko enendo unipareto eneya naru meté yewanjo ηuro hamó injoyotenjo. 39 Ko huru-huru yano§§ kundite-kundite korete quno ηuno kunditeyotenjo. Ko o ne-ne tero yakutí metémo kunditeyotenjo. 40 Ko wapu koro ya qu siyotenjo. Ko owé rewero quro hariri piru sanja teyotenjo. Imemonjo o soso ηuro topé piyimi rewanjo.”

---

†† 12:35: Komo suki “Dewitko” Juda unipare wiri yereró. Nu naruko ηuno Anutuko Dewit ηande miraró, imemonjo keño sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ηundo Dewit koro nanjuni sopanjurí, ko uni ηuro sopanjurí ηu, “Mesaiya,” ma, “Kristo,” ye nekoyanjurí. §§ 12:39: “huru-huru ya” ηuko Juda unipareto ya parámi mu. Sapat naruko ηuno hu-hariri tero Anutu koro mandí weyoyi injoro hariri teyanjurí.

*Wapu kato wondo Anutu te inaró*  
(Luk 21:1-4)

<sup>41</sup> Asa Anutu koro Ya Surumímo<sup>\*\*\*</sup> ηuno sosoko toηomboroηowí ka yaró. Unipare qambu qundo Anutu te inowero quro mone se mahero ηuno ranğurí. Asa Yesuko kutaqe ηuno kunditero unipare qambu ηundo mone ηu ranğoyi uní yiyoyaró. Yiyoní ononjo uni qambu wondo parámi reyaηgo.

<sup>42</sup> Ko wapu ononjo moré kini qu kato mahero wondo musiyó tomó ta irisa ηuno se raró.

<sup>43</sup> Yesuko ηu qenero iηo-iηo rewero uniyó††† neko yerero ηande yimiraró, “No hamó horé yimiroteno, oka wapu ononjo moré kini ηundo te inote ηundo uni meyowo ηu taka yerete.

<sup>44</sup> Dokoro meyowo ηundo oye parámi moηgo mone ranğotηgo. Quko wapu ηuko oyó parámi kini qundo oyó soso ηuno ranjote.”

## 13

*Yesuko naru weηa quro rokó ηuro yaró*  
(Matyu 24:1-14; Luk 5-19)

<sup>1</sup> Asa Yesu Ya Surumímboro<sup>\*</sup> hoηgo ηu roto toηiní eneηo iηo-iηo rewero uni kato† rohoréηoro Ya Surumí qenero ηande yaró, “Rondaqe-rondaqe uni, qeno, wondo pará-parámbo Ya

<sup>\*\*\*</sup> **12:41:** “Ya Surumí” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaηğurí.

††† **12:43:** “iηo-iηo rewero uni” ηundo Yesu koya uyaro iηo-iηo rondaqe yunoyaró. <sup>\*</sup> **13:1:** “Ya Surumí” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaηğurí.

† **13:1:** “iηo-iηo rewero uni” ηundo Yesu koya uyaro iηo-iηo rondaqe yunoyaró.

Surumí towanḡurí muko parámi horé, ko Ya Surumímboro pase tomó-tomó ḡu kekere horé.”

<sup>2</sup> Yiní Yesuko ḡande yaró, “Ya pará-pará soso ḡumbe yiyote? Imemoḡo wondo itaka epe saḡa-saḡa rero towanḡurí mu soso raḡi umukoweya.”

<sup>3</sup> ḡunde yero andusina toḡero mira purí Oliv ḡuno kunditero Ya Surumí ḡu qeneḡurí. Qenero Pita, Jems, Jon, Andru mahero mondó ta mande ḡuro murí iḡowero oseseyanḡurí. <sup>4</sup> ḡande yanḡurí, “Do naruko tunoḡeweya? Ko tunoḡewe tete ḡuro do rokó ka teweya?”

<sup>5</sup> ḡunde yi Yesuko ḡande yimiraró, “Ye kondé toḡeteyuri. Kota uni kato mahero ye kaná yereweya koro. <sup>6</sup> Imemoḡo uni qambu mahero owéne nekoro ḡande yewanḡo, ‘Uni maheweya ḡuko no nanḡe!’ yero unipare qambu kaná yerewanḡo. <sup>7</sup> Yeko kuma parámi teyotoḡo ḡuro piḡa mande iḡowanḡo, ko kuma parámi tunoḡeweya ḡuro piḡa mande iḡowanḡo. Asa ye kondé toḡeteyuri qembe. Ma yukuwowero. O soso ḡuko hamó maheweya, takawero mepémo kini. Quko naru maheweya ḡuko naru weḡa qu kini. <sup>8</sup> Uni wini kato asa uni wini enesó-enesó kaya kuma ri otoḡoweya. Asa wiri yerete unindoro kuma uni qundo otoḡoro wiri yerete uni enesó-enesómboro kuma uni quya kuma tewanḡo. Mirane-mirane kunduru raḡoníḡo, korare parámi tunoḡeweya. Quko o soso tunoḡeweya ḡuko pareto simó pisiyowero tete ḡuro kowe surumí ḡunde qembe.

<sup>9</sup> “Ye qene iḡoyi qembe. Unindo yorero

mande kho yunoro huru-huru yano<sup>†</sup> haususu yerewango. Yeko owéne towoyotengo, ŋu murí ŋuro uni ŋundo yorero wiri yerete uni parámi toŋeyemo ko uni kembé-kembé toŋeyemo yoroti kaŋero mande meté yimirowango. <sup>10</sup> Quko yendo koretero miti mande<sup>§</sup> uni wini soso keweroyemo yesowoyi inowango. <sup>11</sup> Asa uni kumimbo ye yorero ronda yiriŋo, ye do ka yewato ŋuro inañawí ma tewero. Dokoro ŋu naruko ŋuno Yuqa Surumímbo mande yewero qu ye yunoweya.

<sup>12</sup> “Ŋu naruko ŋuno payómbo koneyó mande piyimi ye inoníŋo, uroyi khumoweya. Kowe iwímbo simómboya ŋunde naŋge teweya. Kowe simómbo iwí-nimímboya ŋunde naŋge ti khumowari. <sup>13</sup> Ko uni wini soso ŋundo yeŋo kondé piyimiŋo yunowango, dokoro yendo neneŋo owéne nekoyotengo. Quko dani kato kondé kaŋeyate rambaruru takaweya.

*Imemongo o piyimi horé mu tunoqeweya  
(Matyu 24:15-28; Luk 21:20-24)*

<sup>14</sup> “Imemongo ‘o piyimi horé ka’ tunoqini qenewango. O piyimi horé ŋu yendé meté horé muno ŋuno yoweya.\*\* (Ye sokome ŋa weyotengo qu, weyo injika tondanini.) Ŋu naruko ŋuno ye soso Judia mirako ŋuno yotengo tiniŋo, roto sorero mira purímo oyi qembe. <sup>15</sup> Uni ka ya

---

<sup>†</sup> **13:9:** “huru-huru ya” ŋuko Juda uniparetoro ya parámi mu. Sapat naruko ŋuno hu-hariri tero Anutu koro mandí weyoyi inoro hariri teyanjuri. <sup>§</sup> **13:10:** “miti mande” ŋuko Anutuko Kristo asañoni khumoro quhurinanimboro kimo tini Anutu koya newonde kanata tewero ŋuro mande meté mu naŋge. **\*\* 13:14:** Daniel 9:27; 11:31; 12:11 weyo qembe.

umómo†† yoweya quko oyó siyowero quro ya quroko ma uwero. <sup>16</sup> Ko uni ka khono yote tiniqo, tuwi ka tapémo rota nu nyaya ma rewero. <sup>17</sup> Nu naruko nuno ye pare qahu tete, ko simó susu yunoyotenqo qu, ininiyaqeqe, quhurí piyimi korowowaŋgo.

<sup>18</sup> “Yeko nande hariri ti qembe, asa naru piyimi nuko seno kutiti naruyómo nuno kama tunoqeweya. <sup>19</sup> Dokoro nu naruko nuno o quhurí parámi horé qu tunoqeweya. Hamó, Anutuko noko towaró nu nonqo yate arero naru nanoko, o quhurí ka nunde qu komo kama tunoqaró. Kowe imemonqo o quhurí ka nunde qu pitu ko kama tunoqeweya. <sup>20</sup> Quko Anutuko unipareyó rokó yereró nuro inqoro naru nu riní tukuni teweya. Nunde kama teweya tiniqo, unipare soso khumowaŋgo.

<sup>21</sup> “Nu naruko nuno nange, ko uni kato yeya nande yeweya, ‘Qeni, Kristo‡‡ nuko nana!’ yeweyape ‘Qeni, andu yote anduqe,’ yewaŋgo nuro inqondutu ma tewero. <sup>22</sup> Dokoro, Kristo kota-kota koya ye-ye uni kota-kota koya mahero Anutuko unipare rokó yereró nu kaná yerewero o parámi wimbí moré qu tewaŋgo. <sup>23</sup> Quko ye tonqete sopoyuri qembe. Itaka nange o soso nuro rondaqeqe yunoteno.

*Unindoro Nanuní nundo pitu ko maheweya  
(Matyu 24:29-35; Luk 21:25-33)*

---

†† **13:15:** Nu naruko nuno “ya umó” soso nuko suruŋo kini, papare nange, ko unipare meté owero kunditeyaŋgo. ‡‡ **13:21:** “Kristo” nuko Anutuko rokónoní maheweya nu.

24 “Quko ŋu naruko ŋuno, asa naru piyimi ŋu kini tiníqo,

“ ‘kosa ŋuko huriri tiní  
kombo ŋuko kama hiyóqiní

25 tutu soso ŋuko sambo koŋgo umbuyi  
o soso wimbí moré mu samboko yote qu  
yukuwowaŋgo.’

26 “Ŋu naruko ŋuno Unindoro Naŋuní§§ koporé  
kewerowore wimbí parámi horé tero sine  
parámimo mahiní unipare soso qenewaŋgo.

27 Mahero sambo simó\*\*\* asá yiriní toŋero  
unipare rokó yereró qu soso ta roŋgopo  
yerewaŋgo. Sambo simó ŋundo mira kawore-  
kawore noŋgo roŋgopo yereyate uro mira  
weŋawore qu yore mahemukowaŋgo.

28 “Yeŋombo naŋge kewá fik ŋu qenero  
iŋondutu rero qeni qembe. Naru kano  
kambinímbo sono woso remukoní komiri keta  
qu woti qeneroqo, yeŋombo, kosa naru meté  
tewe tete, ye iŋowaŋgo. 29 Ŋundiro naŋge o

soso yeteno ŋako tunoqiníqo, ŋande iŋowaŋgo,  
Unindoro Naŋuní ŋuko woso kutaqemo mahete,  
mako rorowo ŋano kaŋete, ye inji qembe.

30 Nondo hamó horé ye yimiroteno, unipare  
itaka yorotenŋo quko toŋeye watí yoníqo, o soso  
ŋa tunoqeweya. 31 Sambo koya noko koya kini

tewari, quko mande yeteno ŋako kama kini  
teweya.

---

§§ 13:26: “Unindoro Naŋuní” ŋuko Yesu naŋge. \*\*\* 13:27:  
“sambo simó” ŋuko komo suki-suki Anutuko unipare kama yoriní  
tunoqi sambo simó yondowaró. Ko itaka eneŋo sunará teyotenŋo.

*Do naru kano Yesuko maheweya njuro uni kato kama injotenjo*

*(Matyu 24:36-44)*

<sup>32</sup> “Uni kato o njuro tunogeweya naruyó njuro kama injote. Hamó, sambo simó††† njuya Nanjuni‡‡‡ njuya kama injotenjo. Iwímbo§§§ enesó nanje naruyó njuro injote.

<sup>33</sup> “Ye tonjete sopoyuri qembe. Ye naru njuro kama injotenjo. <sup>34</sup> Qeni, uni parámi kato, yendé roto tonjewanó, ye injoro sunará simóngo kho yunoní ya sopoyotenjo. Tonjini sunará simó kato makono kanjoro uni parámi rohoréngo maheweya njuro tonjetero sopoyote.

<sup>35</sup> “Ye njuya tonjete sopoyuri qembe. Uni Parámi rohoréngo maheweya naruyó njuro ye kama injotenjo. Ita suwo tinímbe ma suwo kewerokope ma kotori yeyonímbe ma ita sarañoní maheweya.

<sup>36</sup> Ene maheweya quno ye eteyotenjo tiníngo, ye piyo tewango. <sup>37</sup> Mande nga ye yimitoro unipare soso yimiroteno, “Tonjete sopoyuri qembe.”

## 14

*Uni pará-parámbo Yesu urowero khe ka se-qanjurí*

*(Matyu 26:1-5; Luk 22:1-2; Jon 11:45-53)*

<sup>1</sup> Njuro naruko njuro o ne-ne naru irisa-irisa, owéyari muko Taka yereró, Bret Yisiyó Moré

---

††† **13:32:** “sambo simó” njuro komo suki-suki Anutuko unipare kama yoriní tunoqi sambo simó yondowoní sunará teyotenjo.

‡‡‡ **13:32:** “Nanjuni” njuro Anutu koro Nanjuni, asa Yesu nanje.

§§§ **13:32:** “Iwí” njuro Anutu nanje.



Kini, ηuko wambaka tunoqariyó.\* Naru ηu yaηini nanje tero o qa-qa unindoro tapá unin-doya hutuηo mande ηuro iηo-iηo unindoya† Yesu towo uroyi khumowero quro kota-kota kheyó ηu seqaηgurí. Quko tunomo urowero mepémo kini.<sup>2</sup> Ene ηande epe mito-mito taηgurí, “Norendo o ne-ne naruko ηuno unipare toneyemo towowato tiniqo, saηgirí tero kuma tewanηo.”

*Pare kato Yesu kembémo sono ka hausuwaró (Matyu 26:6-13; Jon 12:1-8)*

<sup>3</sup> Asa Yesuko Betani yendémo kowí piyimi khumo uni ka, owí muko Saimon koro yayómo ηuno o naró. O niní pare ka mahero noko kumbe tomó ta ka rero rondaηe sono risá nuηgurí meté mu Yesu kembémo hausuwaró. Sono ηu owí “nart,” ηuro kimoyó parámi horé.

<sup>4</sup> Asa ηunde tiní uni kumimbo ηuno kunditero saηgirí tero ηande yaηgurí, “Dokoro ηunde tiní sono risá nuηgurí meté ηu kinanηe kini tete?

<sup>5</sup> Sono ηu soweyoroqo denarius 300‡ siyoro uni ononoye moré kini qu meté se yunowato.” Nunde yero mande saηgirí pare ηu miraηgurí.

<sup>6</sup> Nunde yiqo, Yesuko ηande yaró, “Nunde roti. Date koro pare ηa quhurí inotenηo? Enendo

---

\* **14:1:** O ne-ne naru irisa-irisa ηu naru kanata quno hurí tariyó. Taka yereró quro o ne-ne ηu kosa naru kanata kano taηgurí. Nηu kini tiniqo, Bret Yisiyó Moré Kini quro o ne-ne ηu sonda kanata quroko taηgurí. † **14:1:** Uni soso ηundo Juda koro huru-huru parámi ka, owí Sanedrin, taηgurí. Enendo Juda unipare ronda yeretaηgurí. ‡ **14:5:** “denarius” ηuko wondo musiyó ka, asa uni kato kosa naru kanatako kho teweya quno wondo musiyó kanata ηunde qu reweya. Asa ko denarius 300 ηuko wondo parámi horé.

o meté nunote. <sup>7</sup> Naru rokóñoro uni ononoye moré kini ñuko yeya yowaño. Ko naru rokóño meté samaka yerewaño. Quko no yeya naru piru kama yowano. <sup>8</sup> Pare ñando oka meté horé mu nunote. Imemoño tapu nerewaño. Asa ko enendo koretero kowene ronjaruwote. <sup>9</sup> Hamó ye yimiroteno, unindo mira soso ñuno miti mande§ ñu yesowoyowaño quno ñuno pare ñando o tete ñuro ñuya yewaño, ko pare ñuro iñowaño.”

*Jutasko Yesu re uni kandeyemo rotowero mande kusiyaró*

*(Matyu 26:14-16; Luk 22:3-6)*

<sup>10</sup> Ñu naruko ñuno Jutas Isikariot, iño-iño rewero uni 12\*\* qu kato, Yesu kandeyemo re rotowero guro o qa-qa unindoro tapá uninot†† uyaró. <sup>11</sup> Uyaro yimironí niñgu-niñgu tero eneño khoyó kimowero guro mirañgurí. Ñunde miroyi eneño kandeyemo re rotowero guro naru meté seqaró.

*Yesu koya iño-iño rewero unindoya Taka yereró koro o nañgurí.*

*(Matyu 26:17-25; Luk 22:7-14,21-23; Jon 13:21-30)*

---

§ **14:9:** “miti mande” ñuko Anutuko Kristo asáñoní khumoro quhurínanimboró kimo tiní Anutu koya newonde kanata tewero ñuro mande meté mu nañge. \*\* **14:10:** “iño-iño rewero uni 12” ñuko Yesu rokó yirini topé-topé horé tunoqañgurí. †† **14:10:** “o qa-qa unindoro tapá uni” ñundo Ya Surumímo hu-hariri sopoyañgurí.

12 Asa Bret Yisiyó Moré Kini quuro o ne-ne<sup>††</sup> koro kosa naru korete quuno Juda unipareto sipsip simó ka, owí, “Taka yereró,” yero nekoyañgurí ñu uroyi khumoní qaró nañgurí. Asa ñu naruko ñuno ino-ino rewero unindo<sup>§§</sup> Yesu ñande oseseyañgurí, “Dano nore Taka yereró quuro o ne-ne<sup>\*\*\*</sup> ñu roñgaruwato ke o ñu neweya?”

13 Nunde yi Yesuko ino-ino rewero uni irisa neko yerero ñande yimiraró, “Yendé parámimo ñuno uyaririgo, uni kato sono kumbe ka re kheko ñuno mahe wisumu yereweya ñu. Yari ñu howiri<sup>14</sup> ya kano oníqo, ya simburí ñande mirori qembe, ‘Rondaqe-rondaqe uni ñundo ñande osese kerete: No ino-ino rewero uninemboya Taka yereró quuro o ne-ne ñu newato. Nuro yakutí ñu dana?’<sup>15</sup> Nunde yirigo, ya simburímbo yakutí parámi roñgaruwaró mu witú yereweya. Asa yakutí ñuno o newero ñu roñgaruworí qembe.”

---

<sup>††</sup> **14:12:** “Bret Yisiyó Moré Kini quuro o ne-ne” ñuko naru parámi ka, asa Israel unipareto sonda kanata soso ñuno bret yisiyó moré kini nañgurí. Komo suki Anutuko unipare ñu Isip nonngo yoriní areñgurí. Arewero tañgurí quuno ñuno bret hamó qawero mepémo kini. Kini, bret yisiyó moré kini nañge, asa plaua, sono nañge qañgurí. Nunde ñuroko kumima naru rokógoro o tunoqaró ñuro inoro o ne-ne ñu teyañgo. <sup>§§</sup> **14:12:** “ino-ino rewero uni” ñundo Yesu koya uyaro ino-ino rondaqe yunoyaró.

<sup>\*\*\*</sup> **14:12:** “Taka yereró quuro o ne-ne” ñuko naru parámi ka. Komo suki Anutuko Israel unipare Isip nonngo yoriní areñgurí. Ñu naruko ñuno sambo simó sañgirí kato Isip koro simó urumuni korete qu soso yuri khumañgurí. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbo eneño simóye taka yiriní kama khumañgurí. Nunde ñuroko kumima naru rokógoro sipsip simó yutoro o ne-ne teyañgurí.

16 Njunde yimironí uni irisa ñu yendé parámimo ñuno oro o soso Yesuko yaró ñuko ñunde nanje tunoqaró. Asa ko yakutímo ñuno Taka yereró guro o ne-ne ñu roñgaruwariyó.

17 Asa suwo tiníqo, Yesu koya iño-iño rewero uni khe sanjyoro irisa ñuya Yerusalem oñgurí. 18 Ya guroko oro o nero Yesuko ñande yaró, “No hamó yeteno. Ye keweroyemo kato itaka noya o neyotero ñuko no norero uni sanjirí kandeyemo norotoweya.”

19 Njunde yiníqo, iño-iño rewero uni soso newonde surumí tero kato-kato oseseyañgurí, “Uni ñu nondope?”

20 Yiqo, ñande yaró, “Uni ñuko iño-iño rewero uni khe sanjyoro irisa qu ka. Ene noya kondó ñano kopo neyotero. 21 Unindoro Nanjuní††† ñuko mande sokomeko‡‡‡ nakayáñgurí ñu nanje howero khumoweya. Quko uni ñundo Unindoro Nanjuní ñu re rotoweya guko, o iniyaqé, quhurí piyimi korowoweya. Námbo koretero uni ñu kama pisiyaró tiníqo, meté.”

*Yesuko bret, wain iño-iño rewero uni ñu re yunaró*

*(Matyu 26:26-30; Luk 22:15-20; 1 Korin 11:23-25)*

22 Asa o neyate Yesuko bret ka rero Anutu yunñunañoro romboñero iño-iño rewero uniyó§§§ yunoro ñande yimiraró, “Ri. Nako

---

††† 14:21: “Unindoro Nanjuní” ñuko Yesu nanje. ‡‡‡ 14:21: “sokome” ñuko Anutu koro mande korete qu, asa Murí Tero yate Malakai kini tete. §§§ 14:22: “iño-iño rewero uni” ñundo Yesu koya uyaro iño-iño rondaqe yunoyaró.

nenejo kowene na,” yaró.

<sup>23</sup> Niqo, kusí ka rero Anutu yuᅅgunañoro yunoní kanata-kanata naᅅguri.

<sup>24</sup> Ni ᅅande yimiraró, “ᅅako nenejo sitúne na, mande kondé\* ᅅu reweya. Sitúne ᅅu unipare qambu koro windoroᅅowe teteno. <sup>25</sup> No hamó yeteno. Wain kaᅅuya kama newano, yate Anutuko unipareyó wiri yereyote naruyómo† ᅅunoqota, wain keta newano.”

<sup>26</sup> ᅅunde yini yambo ka yi kini tini mirako uro mira purí Oliv ᅅuno oᅅguri.

*Yesuko Pitako enejo huwóᅅoweya quro miraró (Matyu 26:31-35; Luk 22:31-34; Jon 13:36-38)*

<sup>27</sup> Yesuko ᅅande yimiraró, “Imemoᅅgo, iᅅondutuye‡ muko piyo tero ye soso norotoᅅango. Dokoro sokomeko ᅅuno ᅅande nakayáᅅaró,

“ ‘Nondo sipsip sopo-sopo uroweᅅo sipsip soso wisikaraᅅowango.’

<sup>28</sup> Quko nondo khumoro otoqoroqota ye taka yerero Galili mirako uwano.”

<sup>29</sup> ᅅunde yini Pitako ᅅande miraró, “Uni soso iᅅondutuye muko piyo tewango, peka, quko nondo ᅅunde kama tewano.”

---

\* **14:24:** “mande kondé” ᅅuko Anutuko unipareyómboya kusi-yaró. † **14:25:** “Anutuko unipareyó wiri yereyote naruyómo” ᅅuno iᅅondutu unipareko hamó Anutu kusuoᅅómo yowango. ‡ **14:27:** “iᅅondutu” ᅅuko ᅅandiro, asa unipareto ᅅande kondé ye iᅅoyoteᅅgo, ko Anutuko meté sopo yereweya.

<sup>30</sup> Yiní ñande yaró, “No hamó kimiroteno, itaka suwonoko kotori naru irisayómo kama yeyoníqota keto naru kapusako neneño wawa yeweya.”

<sup>31</sup> Quko Pitako kondé ñande yaró, “No keya koporo nuri khumowaro, quko no keño wawa kama yewano,” yiní ino-ino rewero uni soso ñuyako ñundiro yañgurí.

*Yesuko Getsemani mirako ñuno hariri taró  
(Matyu 26:36-46; Luk 22:39-46)*

<sup>32</sup> Asa yendé ñu rotoro mira ka owé Getsemani ñuno oro Yesuko ino-ino rewero uniyóš ñande yimiraró, “Ñano kunditeyurika no hariri tewe.” <sup>33</sup> Nunde yero Pita, Jems, Jon yorero oroqo newondeye yukuwoní <sup>34</sup> ñande yimiraró, “Newondenembo quhurí horé tiní no khumowe teteno. Ye ñano yotoya tojete sopoyuri.”

<sup>35-36</sup> Nunde yero sonğa ta kapiyamo oro nokono umbu etero hariri tero Anutu ñande miraró, “O awane horé, keto o soso koro wimbí teyote. Ke ino nunoyaqo, topa newano ña rika tojini. Quko ino-inone mu ma howewero. Kini, keñojbo na ti qembe.”

<sup>37</sup> Hariri tiní kini tiní mahiní uni kapusa ñu eteyuri Yesuko Pita ñande miraró, “Saimon, kepe eteyote? Naru piru kini, tukuni ta tojeteewero mepémo kini. <sup>38</sup> Ye kondé tojeteya hariri ti qembe. Yate ye osese kano umbuwanço koro. Hamó, yuqaye muko o meté tewero nunğurí tete, quko koweye sajaní ñuko kondé kini.”

---

§ 14:32: “ino-ino rewero uni” ñundo Yesu koya uyaro ino-ino rondaqe yunoyaró.

<sup>39</sup> Njunde yero roto toņero hariri ŋu pitu ko taró.  
<sup>40</sup> Tiní kini tiní pitu ko eneno mahero yiyoníqo, eteyanğurí, dokoro kupo tero toņeye quhurí taró. Eteyuri okoko yiriní mande topé tewero mepémo kini tanğurí.

<sup>41</sup> Naru kapusayómo quno mahero ŋande yimiraró, “Yembe watí ete kapeyotengope? Koro ŋu! Qeni, naru tete, unindo Unindoro Nanuní\*\* ŋu re quhurí uni kandeyemo rota. <sup>42</sup> Ye otoqoyika uyato. Qeni, uni nore uni piyimi kandeyemo norotoweya ŋundo kutaqemo mahete.”

*Jutasko Yesu re uni piyimi kandeyemo rotaró  
 (Matyu 26:47-56; Luk 22:47-53; Jon 18:3-12)*

<sup>43</sup> Asa waka ta Yesu mande yeyoní nanđe, Jutas, iņo-iņo rewero uni 12†† qu ka, ŋundo maheró. Mahero uni wini parámi horé suke parámimboya usú ŋuya se towo eneya mahenğurí. O qa-qa unindoro tapá uni ŋuya hutuņo mande ŋuro iņo-iņo unindoya uniparetoro uni kembé-kembéyemboya†† uni ŋu asá yiri mahenğurí.

<sup>44</sup> Komo Jutasko rokó karo ŋande yimiraró, “Nondo uni ka mutó inowano. Uni ŋuko Yesu, towoya toņi qembe.” <sup>45</sup> Asa Jutasko mahero Yesu tanğímo mahero ŋande yaró, “Rapi,” §§ yero mutó naró. <sup>46</sup> Mutó riní uni mahero Yesu toworo kondé towanğurí. <sup>47</sup> Towoyi uni sume

\*\* **14:41:** “Unindoro Nanuní” ŋuko Yesu nanđe. †† **14:43:** “iņo-iņo rewero uni 12” ŋuko Yesu rokó yiriní topé-topé horé tunoqanğurí. †† **14:43:** Uni soso ŋundo Juda koro huru-huru parámi ka, owí Sanedrin, tanğurí. Enendo Juda unipare ronda yereyanğurí. §§ **14:45:** “Rapi” ŋuro murí muko ŋandiro, “Rondaqe-rondaqe Uni.”

yerero kaŋaŋgurí qu kato suke parámiyó rero tapá unindoro sunará simó qu ka utoro kusumbí takaní kusumbí nokono umburó.

<sup>48</sup> Njunde tiní Yesuko ŋande yimiraró, “Yendo no wiri yerete unindoya kuma teyoteno ŋundiro suke parámi, usú siyoro kondé nondowowero mahetengo, peka? <sup>49</sup> Naru rokóŋo Ya Surumímo ŋuno nondo yeya kaŋero mande rondaqe yunoyanowó. Quko ŋu naruko ŋuno kama nondowaŋgurí. Asa meté, ŋandiro mande sokomeko<sup>\*\*\*</sup> ŋuno nakayaŋaŋgurí ŋu hamó tunoqeweya.” <sup>50</sup> Njunde yiniqo, ino-ino rewero uniyó soso Yesu rotoro soraŋgurí.

<sup>51</sup> Asa simó keta kato Yesu howeyaró qu tuwi meté mu kinaŋge punuwoŋo ŋuno kaŋaró. Kaŋiní kuma unindo towoyiqo, <sup>52</sup> simó keta ŋu soriní tuwi ŋu wendaŋiní umbuní birimbiri soraró.

*Juda koro uni kembé-kembémbo Yesu mande kho inaŋgurí*

*(Matyu 26:57-68; Luk 22:54-55,63-71; Jon 18:13-14,19-24)*

<sup>53</sup> Asa uni ŋundo Yesu toworo o qa-qa unindoro tapá unindoro<sup>†††</sup> yano oŋgurí. Njuno uni tapá ŋuya uni kembé-kembémboya hutuŋo mande njuro ino-ino unindoya ŋuno kopanaŋgurí.<sup>‡‡‡</sup> <sup>54</sup> Pita ŋuya yohowe uyaró. Uyariní tapá uni njuro pase guro hoŋgo quroko ŋuno sopo-sopo unindo

---

<sup>\*\*\*</sup> **14:49:** “sokome” njuko Anutu koro mande korete qu, asa Murí Tero yate Malakai kini tete. <sup>†††</sup> **14:53:** “o qa-qa unindoro tapá uni” ŋundo Ya Surumímo hu-hariri sopoyaŋgurí. <sup>‡‡‡</sup> **14:53:** Uni soso ŋundo Juda koro huru-huru parámi ka, owí Sanedrin, taŋgurí. Enendo Juda unipare ronda yereyaŋgurí.



kunditero kewá qaró rokoyañgurí. Rokoyuri Pita ñuya ñuno oro kañe rokaró.

<sup>55</sup> Asa ya quroko O qa-qa unindoro tapá uni ñuya uni kembé-kembé soso ñundo Yesu uri khumowero khe ka seqañgurí. Ñunde ñuro o piyimi ka taró ñuro mande ka seqayate kama inañgurí. <sup>56</sup> Uni kumi mande kota-kota yañgurí, quko mande enesó-enesó yañgurí. Ñunde ñuroko mande ñuro uroyi khumowero mepémo kini.

<sup>57</sup> Kumi kañero mande kota ñandiro yañgurí, <sup>58</sup> “Uni ñundo ñande yaró, ‘Ya Surumí§§§ ñu rambaruruwano. Ko naru kapusa ñunde rotoro keta qu towowano. Quko keta ñuko kandeto kama towowano.’ Ñunde yini inatowó,” yañgurí. <sup>59</sup> Quko uni meyowo-meyowombo mande enesó-enesó yañgurí. Ñunde ñuroko mande ñuro uroyi khumowero mepémo kini.

<sup>60</sup> Ñunde yiriqo, tapá uni ñundo keweroyemo kañero Yesu ñande oseseyaró, “Uni ñando mande-yari sañga kerete. Ketope mande topé ka yeweyape ma kini?” <sup>61</sup> Quko Yesuko mondó ta kunditero mande topé ka kama yaró.

Pitu ko ñande oseseyaró, “Kepe Kristo ñu, Anutu koro Nañunímbe, ma kini?”

<sup>62</sup> Ñunde yini Yesuko ñande yaró, “Iyo. Ko yendo Unindoro Nañuni\* qeniqo, Anutu wimbí moré ñuro kandí kondésina kunditini

---

§§§ **14:58:** “Ya Surumí” ñuko Anutu koro ya qu, ñunoko Juda unipareto Anutu koya huruwowero quro hu-hariri teyañgurí.

\* **14:62:** “Unindoro Nañuni” ñuko Yesu nange.

qenewango, ko sambo koro koporéwore maheweya nu qenewango.” †

<sup>63</sup> Nunde yiniqo, o qa-qa unindoro tapá uni nundo newonde piyimi tero enejo tuwiyó rombonero nande yaró, “Do karo uni kanuya neko yereto quhuriño nuro yesowowango! <sup>64</sup> Ye soso mande piyimi na inoyotengo. Date tewato?”

Nunde yini uni kembé-kembé soso nande yanguri, “Meté urato khumoweya,” yanguri. <sup>65</sup> Nunde yiqo, uni kumimbo tuteworo tonji pokamoro kandeto utoro nande oseseyanguri, “Dani kato kurote?” yanguri. Nunde ti sopo-sopo unindo kandeto uranguri.

*Pitako wawa mande yaró*

*(Matyu 26:69-75; Luk 22:56-62; Jon 18:15-18,25-27)*

<sup>66-67</sup> Asa Pita ya kimbino kanero te rokoyoni o qa-qa unindoro tapá unindoro sunará pare ka mahero kondé-kondé genero nande yaró, “Keya Nasaret nongo uni Yesu nyaya yotiri,” yaró.

<sup>68</sup> Quko Pitako wawa yero nande yaró, “Kini, keño mandeke nu kama inowe tondanete,” yero roto tonero hongo makono uyareró. Nuno uyarini kotori kato yaró.

<sup>69</sup> Ko pare nundo uni kaneyango qu nande yimiraró, “Uni nyaya uni nuro wini qu ka.”

<sup>70</sup> Nunde yiniqo, pitu ko Pitako wawa yero nande yaró, “Kini,” yaró.

Imemongo, naru tukuni nange, uni kaneyango nundo nande yanguri, “Iyo, keko Galili uni ka. Asa keko ino-ino rewero uniyó ka,” yanguri.

† 14:62: Daniel 7:13 weyo qembe.

<sup>71</sup> Nunde yiḡo, mande kondé ḡande yaró, “Uni yeteḡo ḡu no kama iḡo inoteno! Ko no hamó kama yewego, asa Anutuko no rambaruru nereweya,” yaró.

<sup>72</sup> Yiníḡo, waka ta kotori kato pitu ko yaró. Komo Yesuko mande ka ḡande miraró, “Itaka suwonoko kotori naru irisayómo kama yeyoníḡota keto naru kapusako neneḡo wawa yeweya,” yaró. Asa ḡuro iḡoro newonde surumí tero tendaró.

## 15

### *Pailatko Yesu rondaḡaró*

*(Matyu 27:1-2,11-14; Luk 23:1-5; Jon 18:28-38)*

<sup>1</sup> Ita saraḡoníḡo, o qa-qa unindoro tapá unin-doya Juda koro uni kembé-kembémboya hutuḡo mande ḡuro iḡo-iḡo unindoya ronda-ronda uni soso koya kopangurí.\* Koporo mande ka yero Yesu kusiyoro re uyaro Pailat† ḡuro kandímo rotangurí.

<sup>2</sup> Re uyari Pailatko ḡande oseseyaró, “Kepe Juda uniparetoro wiri yerete uni ḡumbe, ma kini?”

Yiní mande topé ḡande yaró, “Keḡombo ḡunde nanḡe yete,” yaró.

<sup>3</sup> Yiníḡo, o qa-qa unindoro tapá uni ḡundo Yesu ḡuro mande piyimi ḡambu Pailat mirangurí.

<sup>4</sup> Nunde miroyi pitu ko oseseyaró, “Do mande

---

\* **15:1:** Uni soso ḡundo Juda koro huru-huru parámi ka, owí Sanedrin, tangurí. Enendo Juda unipare ronda yereyangurí.

† **15:1:** “Pailat” ḡuko Rom uni ka. Rom koro wiri yerete uni parámi ḡundo Pailat owé parámi inoní enendo Judia mira sopoyaró.

topé ka yewero? Mande piyimi qambu yey-otenngo,” yaró.

<sup>5</sup> Quko mande topé ka kama yaró. Nunde njuro Pailat injondata parámi taró.

<sup>6</sup> Kumima naru kanata-kanata Taka yereró quro o ne-ne naruyómo<sup>†</sup> njuno, murí ka howeyara. Murí njuko njandiro, unipare qambu njundo uni kanata ka kusi-kusi yano yaró njuno owí nekoyiqo, Pailatko uni njuro rotoní eneno uyaró. <sup>7</sup> Juda uni ka, owí muko Barapas, njuya topé-topémboya kusi-kusi yano yanngurí. Uni njundo Rom koro wiri yerete unindoro mande qu wendaqero, kuma tero, unipare kumi yuroyi khumanngurí.

<sup>8</sup> Asa unipare qambu njundo Barapas rotowero quro oseseyowero arenngurí. <sup>9</sup> Ari Pailatko njande osese yereró, “Metémbe Juda uniparetoro wiri yerete uni njuro re rotowanope ma kini?” yaró. <sup>10</sup> Pailatko njande injomukaró, ko o qa-qa unindoro tapá uni njundo Yesu koya newonde tutu tero re towo kusiyoro mahenngurí. Nunde njuroko unipare njundiro osese yereró. <sup>11</sup> Nunde quko uni tapá njundo unipare mande yimiroyi unipareto Pailat njande miranngurí, “Barapas nanje re roto,” yanngurí.

---

<sup>†</sup> 15:6: “Taka yereró quro o ne-ne” njuko naru parámi ka. Komo suki Anutuko Israel unipare Isip nonngo yorini arenngurí. Njuro naruko njuno sambo simó sanngiri kato Isip koro simó urumuni korete qu soso yuri khumanngurí. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbo enenjo simóye taka yirini kama khumanngurí. Nunde njuroko kumima naru rokógoro sipsip simó yutoro o ne-ne teyanngurí.

12 Pitu ko n̄ande osese yereró, “Juda uniparetoro wiri yerete uni n̄u, no date te inowe?”

13 Yiní mande kondé yaṅgurí, “Re tipiririkoṢ uroyi!”

14 N̄ande osese yereró, “Do piyimi ka tiní n̄uro?”

Yiní mande kondé parámi yaṅgurí, “Re tipiririko uroyi!”

15 N̄unde n̄uroko Pailatko unipare qambu n̄u meté yerewero Barapas rotoní eneno uyaró, ko Yesu riní kuma unindo uṅguru-gurumoro tipiririko urowero re uyareṅgurí.

*Kuma unindo huwó mande yero Yesu towaṅgurí  
(Matyu 27:27-31; Jon 19:2-3)*

16 Asa kuma uni n̄undo Yesu rero Rom koro uni kembéboro yano oro topo-topoye soso neko yereṅgurí. 17 N̄undo mahero wiri yerete unindoro tuwi mandumi huririyó\*\* re kowí punuworu utó kami moré ka re wakaro wiri yerete unindoro takapu n̄unde qembe kembémo raṅgurí. 18 N̄unde tero n̄ande yaṅgurí, “Juda uniparetoro wiri yerete uni n̄u, ke mahete n̄u,” yaṅgurí. 19 N̄unde yero satémbo kembémo utoro tuteworo potoruku kota-kota re inaṅgurí. 20 N̄unde tero huwó mande yi kini tiní tuwi mandumi n̄u re rotoro eneṅo kowe punu-punuyó re inaṅgurí. N̄unde tero rero tipiririko urowero re uyareṅgurí.

---

Ṣ 15:13: “tipiriri” n̄unde guko wiri yerete uni kumimbo eneṅo uni saṅgiríye yorero n̄uno uroyi khumoyaṅgurí. \*\* 15:17: “tuwi mandumi huririyó” n̄uko wiri yerete unindoro kowe punu-punu ka n̄unde qembe.

*Yesu re tipiririko uraᅅguri*  
*(Matyu 27:32-44; Luk 23:26-43; Jon 19:17-27)*

<sup>21</sup> Asa kuma unindo Yesu re uyarogo, uni ka ᅅuya towaᅅguri. Uni ᅅu Sairin yendé moᅅgo, owí muko Saimon, eneko Aleksanda, Rupus koro awayari. Enendo siku noᅅgo mahero yendémo owero taró. Asa uni ᅅu toworo tipiriri re inoyi korowaró.†† <sup>22</sup> Uyareyate mira ka, owí muko Golgota, ᅅuno oᅅguri. (Owé ᅅu “Golgota” muri muko “Kembéboro Wimbí ᅅuro mira ᅅu.”) <sup>23</sup> ᅅuno sono kondé ne kape tini, yero re inaᅅguri. Quko kama naró. <sup>24</sup> Re mahero kowe punu-punu wendaᅅero tipiririko utoro kowe punu-punuyó rewero kundo ka taᅅguri.

<sup>25</sup> Ita saraᅅoní 9 kilok ᅅuno tipiririko uraᅅguri. <sup>26</sup> Ko tipiriri sombémo ᅅuno o piyimi taró muro mande ka ᅅande nakayaᅅaᅅguri, “Juda Uniparetoro Wiri Yerete Uni ᅅa.” <sup>27</sup> Uni irisa ᅅuya yorero ka kandí kondésinawore tipiriri kano porowaᅅguri, ko ka kandí tesinawore tipiriri kano porowaᅅguri. Uni ᅅundo Rom koro mandeye wendaᅅero kuma teyari. <sup>28</sup> (-)‡‡ <sup>29</sup> Asa unipare uyaro yesaraᅅoro kembaye ituᅅero ᅅande

---

†† **15:21:** “tipiriri” ᅅunde guko tata suruᅅo nokono raᅅoro piᅅo papare ka koreko kusiyoro uni ᅅuno porowoyaᅅguri. Naru rokóᅅoro uni tipiririko ᅅuno khumoweya ᅅuko papareyó re koroworo khumowero guro mirayómo ᅅuno uyareᅅguri. ᅅunde guko Yesuko kowe surumí paraᅅi tero korowowero mepémo kini.

‡‡ **15:28:** Komo suki Makiko mande soso ᅅa nakayaᅅaró, ko imemoᅅgo uni meyowo peka mande kaᅅuya ᅅano sowe taró. Mande ᅅuko ᅅandiro: <sup>28</sup> “ᅅunde tero Anutu koro mande gu ka hamó taró. Mande ᅅuko ᅅandiro: ‘ᅅundo uni piyimi ka naᅅge rokóᅅaᅅguri.’”

yaᅅgurí, “Keto, Ya Surumí§§ rambaruruworo kosa naru kapusa quno ᅅuno keta rewano, yaró!  
<sup>30</sup> Asa keᅅombo naᅅge rambaruru ᅅa takaya tipiriri roto umbu,” yaᅅgurí.

<sup>31</sup> Nᅅndiro naᅅge o qa-qa unindoro tapá unin-doya hutuᅅo mande ᅅuro ino-ino unindoya huwó mande yero epe mito-mito taᅅgurí, “Uni ᅅundo uni kumi rambaruru koᅅgo yorewero taró. Quko rambaruru ᅅa takawero mepémo kini.  
<sup>32</sup> Kristo ᅅundo, Israel uniparetoro wiri yerete uni ᅅundo, tipiriri roto umbuᅅo, nore qenero inᅅodontuwowato.” Nᅅunde yi uni irisa kawore-kawore poro yerēᅅgurí ᅅundo mande piyimi ye mirariyó.

*Yesu khumaró*

*(Matyu 27:45-56; Luk 23:44-49; Jon 19:28-30)*

<sup>33</sup> Asa kosa keweroko mira soso huriri teyate suwoya 3 kilok ᅅunde taró. <sup>34</sup> 3 kilok ᅅndiro Yesu kondé ᅅande kiwaró, “Eloi, Eloi, lama sapaktani?” yaró. \*\*\* (Mande ᅅuro murí muko, “Anutune, Anutune, do karo norotote?”)

<sup>35</sup> Uni kumi kutaqe kaᅅaᅅgurí ᅅundo mande ᅅu inoro ᅅande yaᅅgurí, “Inoyi, enendo Elaija nekote.”

<sup>36</sup> Nᅅunde yi uni kato kᅅeᅅᅅoro o piwo qembe ka rero wain oᅅgomi quroko riní maᅅgoriní satéᅅbo kusiyoro hokoro Yesu maᅅgómo re inoro

---

§§ **15:29:** “Ya Surumí” ᅅuko Anutu koro ya qu, ᅅunoko Juda unipareto Anutu koya huruwowero quro hu-hariri teyaᅅgurí.

\*\*\* **15:34:** Hariri Yambo 22:1 weyo qembe.

ḡande yaró, “Elaijako††† mahe tipiriri koḡgo re rotoníka qeneto,” yaró.

37 Quko Yesuko ki parámi tero yuqayó rotoro khumaró.

38 Khumoníqo, Ya Surumímo tuwi parámi ka ḡuno pikaḡgurí mu††† kore koḡgo kosaje kusuḡono umburó. 39 Asa kuma unindoro sopo-sopo kato tipiriri taḡgímo kaḡero Yesu khumaró ḡuro murí qenero ḡande yaró, “Hamó horé, ḡuko Anutu koro naḡuní,” yaró.

40 Asa pare kumi kapiyamo kaḡero qeneḡgurí. Keweroyemo ḡuno kumi muko ḡandiro: Maria, Maktala yendé moḡgo quya Maria kako, Jems, Joses koro náyari, koya Salome. 41 Komo pare soso ḡundo Galili mirako Yesu howero samakaḡoyanḡgurí. Asa pare kumi qambu Yesu koya Yerusalem oḡgurí mu ḡuno kaḡero Yesu qeneḡgurí.

### *Yesu re tapuḡaró*

*(Matyu 27:57-61; Luk 23:50-55; Jon 19:38-42)*

---

††† **15:36:** “Elaija” ḡuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). ††† **15:38:** “tuwi” ḡuko Ya Surumí quroyómo Wembó Surumí koya Wembó Surumí Horé keweroyarimo yora (Toḡḡgurí 26:31-33; 40:21 weyo qembe). Juda unindo ḡande ye iḡḡgurí, ko Wembó Surumí Horé muno ḡuno Anutuko kunditeyara, quko tuwi ḡuko wisumuḡaró, uni-pareto oweró mepémo kini.



<sup>42</sup> Yesu khumaró naru nuko Sapat koro ronḡaruwowero naru. §§§ Nunde nuroko kosa pusunḡewero tiníqo, <sup>43</sup> uni pará-parámboro huru-huru koro uni ka Arimatea yendé monḡo, owí Josep, nḡ maheró. Enepa nanḡe Anutuko unipareyó wiri yereyote naruyó\* nuro sopoyara. Asa sasaro kama tero Pailat Yesu koro ukúḡo rewero kirayaró. <sup>44</sup> Nunde yini Pailatko Yesu khumaró nuro inḡondata parámi tero kuma unindoro sopo-sopo nḡ nekoró, komo khumape ma kini, ye oseseyaró. <sup>45</sup> Oseseyoní, “Khuma,” yiniqo, Josepko ukúḡo meté rewero nunde yaró. <sup>46</sup> Asa ko Josepko uyare tipiriri konḡo ukú re rotoro tuwi kekere sara-sara qundo pokamoro uni tapu wondo yayó† quroko rero wondo parámi ka rero mako tunḡaró. <sup>47</sup> Ko Maria Maktala nonḡo quya Maria, Josep koro nimí nuyako dano tapunḡaró nḡ qeneriyó.

## 16

### *Yesu otoqaró*

*(Matyu 28:1-8; Luk 24:1-12; Jon 20:1-10)*

---

§§§ **15:42:** Juda unindo naruye muko nḡandiro: kosa pusunḡiniqota naru keta qu tunoqaró. Asa suwo tini yate-yate ita saraḡoní yate-yate suwo pitu ko taró, nuko naru kanata ka. Asa koretero “ronḡaruwowero naru” nḡ tunoqini, yate Sapat naru taró. \* **15:43:** “Anutuko unipareyó wiri yereyote naruyómo” nuno inḡondu unipareko hamó Anutu kusunḡoyómo yowanḡo. † **15:46:** “uni tapu” nuko wondo yayó nanḡe. Juda unindo uni khumaró nḡ rero wondo yayó huwósina rotoyanḡo.

1 Asa Sapat naru\* ñu kini tiníqo, pare kاپusa ñu, Maria Maktala nonqo quya Maria, Jems koro nimí ñuya Salome koya Yesu ukúño sañano rewero quro o nunqurí mu kimañqurí. 2 Kimoro sonda naru korete quno, ita sarañoní uni tapuko† ñuno uyareñqurí. 3-4 Uyareyate wondo parámi uni tapu wisumuñaró ñuro yero inqoro epe mito-mito tañqurí, “Dani kato samaka nerero wondo parámi ñu rohoré-rohoréñoweya?” yañqurí. Yero kutaqe mahero tonqetiño, wondo parámi ñuno qu kikinóni tapémo uró.

5 Asa wondo yayómo oro simó keta ka qeneñqurí. Simó keta ñu tuwi piru sara-sara ka punuworo kande kondésina kunditeyaró. Kunditini género newondeye yukuwaró.

6 Quko ene ñande yimiraró, “Ma yukuwowero. Yembe Yesu Nasaret nonqo qu re tipiririko‡ urañqurí mu ñumbe seqateñqo? Njuko komo otogoro tonq, ñano kama yote. Dano ri etaró ñu qeni.

7 Asa ko ye uyika inqo-inqo rewero uniyómboya§ Pita ñuya piña mande ña yimiri, ‘Yesu koretero Galili mirako uní ñuno qenewañqo. Nñundiro nanqe komo yimiraró.’ ”

---

\* **16:1:** “Sapat naru” ñuko sonda naru weña ñu. Nñu naruko ñuno Juda unipareto huru-huru yayemo huruworo Anutu koro mandí weyoyi inqoro hariri teyañqurí. Nñu naruko ñuno kho ka tewero mepémo kini (Tonqenqurí 20:8-11 weyo qembe). † **16:2:** “uni tapu” ñuko wondo yayó nanqe. Juda unindo uni khumaró ñu rero wondo yayó huwósina rotoyañqo. ‡ **16:6:** “tipiriri” ñunde quko wiri yerete uni kumimbo eneño uni sañgiríye yorero ñuno uroyi khumoyañqurí. § **16:7:** “inqo-inqo rewero uni” ñundo Yesu koya uyaro inqo-inqo rondaqe yunoyaró.

<sup>8</sup> Nunde yiníqo, pare ɲu inɔndutuye enesó-  
enesó tiní soraɲgurí. Sorero sasaro parámi tero  
uni ka kama miraɲgurí.

*Mande weɲa qu*

<sup>9</sup> Asa sonda naru korete quno, ita saraɲoní,  
Yesu otoqoro tunoqiní koretero Maria Maktala  
noɲgo ɲundo qeneró. Komo, Yesuko Maria  
newondímo yuqa piyimi kande saɲiyoro irisa\*\*  
yohowaró. <sup>10</sup> Yesu otoqaró quno ino-ino rewero  
uniyó ɲundo†† ya kano Yesu khumaró ɲuro  
newonde surumí tero tendoyaɲgurí. Asa pare  
ɲundo ɲuno uyaro Yesu otoqaró ɲuro yimiraró.  
<sup>11</sup> Quko piɲa mande ɲu inoro, hamó kini, yero  
inɲagurí.

<sup>12</sup> Imemoɲgo ino-ino rewero uni irisa  
Yerusalem yendé rotoro khewore uyareyori  
Yesu ɲuno tunoqiní qeneriyó. Quko koretero  
kama qene inariyó. <sup>13</sup> Yate inomukoro ino-ino  
rewero uniyó meyowo ɲu Yesu ɲuro yimirariyó.  
Quko mande ɲu hamó kini yaɲgurí.

<sup>14</sup> Tukú ino-ino rewero uni khe saɲiyoro kanata  
ɲundo o qoyembo neyuri Yesu keweroyemo  
tunoqiní qeneɲgurí. Qeni Yesuko kiro mande  
yimiraró. Dokoro Yesu otoqaró ɲuro piɲa  
mande qambu inoro, hamó kini, ye inoro kama  
inɔndutuwoyaɲgurí.

<sup>15</sup> Yero ɲande yimiraró, “Mira soso ɲuno uya  
miti mande ɲa yesowoyi qembe. <sup>16</sup> Nunde

---

\*\* **16:9:** “yuqa piyimi” ɲuko sambo simó ɲunde qembe, quko  
Anutu koro saɲgiri tero unipare rowore yereyotengo. †† **16:10:**  
“ino-ino rewero uni” ɲundo Yesu koya uyaro ino-ino rondaqe  
yunoyaró.

yimiri unipare kato inji hamó tiní sono riqo, rambaruru koŋgo yoreweya. Quko kato inji hamó kini tiníqo, ŋuko quhuríyembo ro topé rewaŋgo.

<sup>17</sup> Unipare soso inondutuwo ro o wimbí moré<sup>††</sup> ŋande tewaŋgo: owénemo uni quro koŋgo yuqa piyimi mu yohowewaŋgo, mande enesó-enesó yewaŋgo, <sup>18</sup> kandeto sire yondowowaŋgo, sono saŋgiri nero kama khumowaŋgo, kandeye se khumo uni saŋano ri meté tewaŋgo.”

<sup>19</sup> Asa Yesu, Uni Parámi ŋundo, yini kini tiníqo, rini samboko oro Anutu koro kandi kondésina<sup>§§</sup> kunditaró. <sup>20</sup> Ino-ino rewero uniyó ŋuno ro-ro mira soso uyare miti mande yimiranguri. Nunde ti Uni Parámimbo samaka yerero mandeye wimbu inowero koro o wimbí moré qambu taró.

---

<sup>††</sup> **16:17:** “o wimbí moré” ŋuko o enesó-enesó tunoqini Anutu koro wimbí ŋunde tunomo yoweya. <sup>§§</sup> **16:19:** Uni owé parámi moré ŋu nanje wiri yerete uni kandi kondésina ŋunde kunditanhuri.

**Iyo New Testament**  
**The New Testament in the Iyo Language of Papua New Guinea**

**Nupela Testamen long tokples Iyo long Niugini**

copyright © 2009 Wycliffe Bible Translators, Inc.

Language: Iyo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 11 Nov 2022 from source files dated 9 Oct 2020

eeccd6a2-c477-5b9f-9623-cf07dbead483